



S T A T U T

SOCIJALDEMOKRATSKE PARTIJE BOSNE I HERCEGOVINE

PREČIŠĆENI TEKST

Sarajevo, 2025.

Sadržaj

OPĆE ODREDBE.....	3
Osnovni ciljevi i zadaci	4
Predstavljanje SDP BiH, naziv, sjedište, znak, pečat, javnost rada i priznanja.....	6
ČLANSTVO	7
Prijem u članstvo SDP BiH	7
Prava i obaveze člana SDP BiH.....	9
Članarina.....	10
Prestanak članstva u SDP BiH	10
Anketa članstva i referendum u SDP BiH	13
ODNOSI U SDP BiH	14
Osnovni principi odnosa u SDP BiH.....	14
Izbori za predsjednike/ce u SDP BIH	15
Odlučivanje i trajanje mandata u SDP BiH	16
ORGANIZACIONA STRUKTURA I ORGANI SDP BiH	16
Organi SDP BiH.....	17
Kongres SDP BiH.....	17
Glavni odbor SDP BiH.....	21
Predsjedništvo SDP BiH	26
Predsjednik/ca SDP BiH	30
Zamjenici/ce predsjednika/ce SDP BiH.....	32
Nadzorni odbor SDP BiH	33
Statutarni odbor SDP BiH.....	34
Sud časti SDP BiH	35
Generalni/na sekretar/ka SDP BiH	35
Politički/a direktor/ica SDP BiH.....	36
Sekretarijat SDP BiH.....	37
Konvencija SDP BiH.....	38
Teritorijalna organizacija SDP BiH	39
KANTONALNA, REGIONALNA I ORGANIZACIJA BRČKO DISTRIKT BiH	39
Organizovanje i organi	39

Konferencija KO/RO/OBD SDP BiH	40
Kantonalni, regionalni i Odbor Organizacije Brčko distrikta BiH.....	42
Predsjedništvo KO/RO/OBD	45
Predsjednik/ca KO/RO/OBD	46
Sekretar KO/RO/OBD	47
Nadzorni odbor KO/RO/OBD	48
OPĆINSKA I GRADSKA ORGANIZACIJA SDP BiH.....	48
Organizovanje i organi općinske i gradske organizacije SDP BiH.....	48
Konferencija općinske i gradske organizacije SDP BiH.....	50
Općinski i Gradski odbor SDP BiH.....	52
Predsjedništvo općinske i gradske organizacije SDP BiH	55
Nadzorni odbor općinske i gradske organizacije SDP BiH	57
Osnovne organizacije	57
INTERESNO-POLITIČKI OBLICI ORGANIZOVANJA U SDP BiH	58
Forum mladih SDP BiH	58
Forum žena SDP BiH	59
Forum sindikalnih aktivista SDP BiH.....	60
Forum seniora SDP BiH	61
SAVJETI GLAVNOG ODBORA I RADNA TIJELA	62
Savjeti Glavnog odbora SDP BiH	62
Radna tijela Predsjedništva SDP BiH.....	62
KANDIDOVANJE I UČEŠĆE SDP BiH U VLASTI.....	63
Kandidovanje.....	63
Klubovi zastupnika/ca i vijećnika/ca odnosno odbornika/ca SDP BiH.....	64
IMOVINA, STICANJE, KORIŠTENJE I RASPOLAGANJE SREDSTVIMA SDP BIH	65
Finansijska politika SDP BiH.....	65
Finansijsko poslovanje SDP BiH.....	66
OBRAZOVNA, NAUČNA, INFORMATIVNA, IZDAVAČKA I HUMANITARNA DJELATNOST	67
PRESTANAK DJELOVANJA SDP BIH	67
RAVNOPRAVNOST SPOLOVA	68
PRELAZNE I ZAVRŠNE ODREDBE	68

U skladu s odredbama člana 61. Statuta SDP BiH, a na osnovu Statuta SDP BiH od 03.10.2015. godine, Odluke o izmjenama i dopunama Statuta SDP BiH od 22.06.2019. godine i Odluke o izmjenama i dopunama Statuta SDP BiH od 05.07.2025. godine, Glavni odbor SDP BiH na svojoj Konstituirajućoj sjednici, održanoj 27.08.2025. godine, verifikuje:

S T A T U T

SOCIJALDEMOKRATSKE PARTIJE BOSNE I HERCEGOVINE

-prečišćeni tekst-

OPĆE ODREDBE

Član 1.

Statutom Socijaldemokratske partije Bosne i Hercegovine (u daljem tekstu: Statut) uređuju se i utvrđuju: osnovni ciljevi i zadaci Socijaldemokratske partije Bosne i Hercegovine (u daljem tekstu: SDP BiH) i način njihovog ostvarivanja; odnosi u SDP BiH i organizaciona struktura; naziv, znak i sjedište; unutrašnja organizacija; uvjeti za ućlanjivanje i prestanak ćlanstva, kao i prava, obaveze i odgovornosti ćlanova; način izbora, trajanje mandata i postupak opoziva organa i njihova prava, obaveze i odgovornosti, zastupanje i predstavljanje; način stjecanja, korištenja i raspoređivanja sredstava; način donošenja odluke o prestanku rada; koordiniranje, kandidiranje i ućešće SDP BiH u vlasti, kao i druga pitanja od znaćaja za ćlanstvo i djelovanje SDP BiH.

Član 2.

SDP BiH je jedini pravni i politićki sljednik Socijaldemokratske stranke BiH iz 1909. godine, Komunistićke partije Bosne i Hercegovine, Saveza komunista Bosne i Hercegovine, Saveza komunista Bosne i Hercegovine – Socijaldemokratska partija, Socijalistićke demokratske partije BiH, Socijaldemokratske partije Bosne i Hercegovine, Saveza reformskih snaga BiH, Unije bosanskohercegovaćkih socijaldemokrata BiH - UBSD-a BiH i Unije Socijaldemokrata - USD-a.

Član 3.

SDP BiH je jedinstvena politićka multietnićka, prograđanska organizacija socijaldemokratske, lijeve programske orijentacije, slobodnih, ravnopravnih i odgovornih ćlanova, koja djeluje na teritoriji Bosne i Hercegovine na osnovama Programa SDP BiH (u daljem tekstu: Program) i u skladu sa ovim Statutom.

SDP BiH je članica Socijalističke internacionale, a može se uključiti i u druge socijaldemokratske i asocijacije lijeve orijentacije, kao i saveze na regionalnom i širem nivou.

Osnovni ciljevi i zadaci

Član 4.

Polazeći od Programa, osnovni ciljevi i zadaci SDP BiH su:

- izgradnja Bosne i Hercegovine kao demokratske države ravnopravnih građana i naroda, Bošnjaka, Hrvata, Srba i ostalih građana koji u njoj žive;
- afirmacija suvereniteta, teritorijalnog integriteta i političke nezavisnosti Bosne i Hercegovine u skladu sa međunarodnim pravom;
- ostvarivanje socijalne i nacionalne ravnopravnosti građana Bosne i Hercegovine i njihovih kolektiviteta;
- afirmacija i aktivno ispoljavanje antifašizma kao civilizacijske tekovine savremenog svijeta;
- ostvarivanja i zaštite prava radnika/ca, osoba koje žive od rada i na temelju svog rada uključujući i pravo na sindikalno organizovanje;
- izgradnja SDP BiH kao savremene, demokratske i efikasne političke partije koja će svojom organizacijom i metodama političkog djelovanja sudjelovati u oblikovanju javnog mnijenja u Bosni i Hercegovini i pozitivnim promjenama stanja odnosa u bosanskohercegovačkom društvu i državi;
- izgradnja otvorenog bosanskohercegovačkog društva na osnovnim vrijednostima evropske socijaldemokratije: slobode, jednakosti, pravde i solidarnosti;
- uvažavanje, poštovanje i ostvarivanje temeljnih prava i sloboda čovjeka i građanina/ke i njegovog/nog samoizražavanja, u skladu sa međunarodnim konvencijama, nezavisno o njegovom/nom pogledu na svijet, vjerskoj, rasnoj, etničkoj pripadnosti, spolu, jeziku, vjeri, političkom i drugom uvjerenju, nacionalnom ili socijalnom porijeklu, imovinskom stanju, obrazovanju, društvenom položaju, bračnom ili porodičnom statusu, trudnoći i materinstvu, dobi, zdravstvenom stanju, invaliditetu, genetskom naslijeđu, vezi sa nacionalnom manjinom, rodnom identitetu, izražavanju ili seksualnoj orijentaciji, kao i nekom drugom osnovu;
- izgradnja Bosne i Hercegovine kao socijalne, pravne i sekularne države sa punim vjerskim slobodama;
- uspostava sistema vlasti na načelima slobode, jednakosti, demokratije i solidarnosti, sa jednakom šansom pojedinca na život dostojan čovjeka;
- uspostava pluralizma vlasništva od kojih se ni jedan oblik vlasništva ne može koristiti na štetu općih interesa;
- ostvarivanje partnerskih odnosa sa sindikatima;
- uspostava socijalne tržišne privrede u kojoj rezultate razvoja uživaju svi građani i građanke Bosne i Hercegovine;
- izgradnja demokratskih odnosa u ekonomskim i socijalnim oblastima;

- borba protiv svih vrsta diskriminacije i socijalne isključenosti, afirmacija rodne ravnopravnosti, zajamčenih prava ljudi na zdravstvenu i socijalnu sigurnost i zaštita, obrazovanje, radna, porodična i druga prava;
- uspostava punih građanskih prava i sloboda emancipacijom građana i građanki od ekonomske, socijalne i kulturne podčinjenosti i inferiornosti i širenje tih sloboda i prava i eliminisanje zavisnosti građana i građanki od pojedinačnih ili grupnih ekonomskih moćnika;
- uspostava pravednog društva u kojem su ekonomski efekti podređeni i u službi rasta i razvoja društva i pojedinaca;
- uspostava i jačanje održivog privrednog razvoja, uz ravnomjeran razvitak urbanih i ruralnih područja;
- očuvanje kulturnog i socijalnog identiteta;
- izgradnja društvene, ekonomske i političke podloge za ostvarivanje i unapređenje lokalne samouprave i uravnoteženja regionalnog razvoja;
- jačanje uloge i odgovornosti gradova kao pokretača komplementarnog razvitka;
- borba protiv aparthejda, svakog oblika fašizma, rasizma, nacionalne i vjerske netrpeljivosti, svakog oblika diktature, partiokratije, korupcije i kriminala;
- zaštita kulturne i prirodne baštine, te čovjekove okoline;
- jačanje sistema zdravstvene zaštite i zdravstvenog osiguranja koji se temelji na jednakoj dostupnosti kvalitetne zdravstvene zaštite, zaštiti prava pacijeneta i zdravstvenih radnika;
- jačanje i razvoj sportske djelatnosti kao važnog faktora podizanja općih fizičkih i zdravstvenih sposobnosti stanovništva;
- SDP BiH će u skladu sa svojom misijom pristupa odgovornosti prema budućnosti i generacijama kojima trebamo omogućiti tu budućnost, transparentno raditi na podizanju nivoa standarda okoliša, smanjujući postojeći jaz dostignutih standarda BiH prema standardima zemalja EU, korištenjem naših komparativnih prednosti, aktiviranjem neiskorištenih potencijala, stvaranjem uslova za dodatno zapošljavanje, ostvaranjem novih radnih mjesta i dodatne zarade privredi.

Član 5.

SDP BiH ostvaruje programske ciljeve na principima i osnovama savremene socijaldemokratije i drugih naprednih ideja ljevice, evropskih standarda političkog djelovanja i parlamentarne demokratije.

Programske ciljeve SDP BiH ostvaruje učešćem na parlamentarnim izborima, u organima vlasti, saradnjom sa političkim organizacijama, sindikatima, nevladinim organizacijama i udruženjima građana, pojedincima, vođenjem kontinuiranog participativnog i cikličnog procesa planiranja i vođenja javnih politika, oblikovanjem javnog mnijenja i drugim oblicima demokratskog parlamentarnog i vanparlamentarnog djelovanja.

SDP BiH ne prihvata nedemokratske, totalitarne ili druge nasilne metode i oblike ugrožavanja i ograničavanja ljudskih prava i sloboda.

Predstavljanje SDP BiH, naziv, sjedište, znak, pečat, javnost rada i priznanja

Član 6.

SDP BiH ima svojstvo pravnog lica, kojeg u javnom i političkom životu, predstavlja i zastupa predsjednik SDP BiH u skladu sa Programom, ovim Statutom i pozitivnim propisima Bosne i Hercegovine. Predsjednik SDP BiH može ovlastiti druge osobe da zastupaju i predstavljaju SDP BiH u skladu s ovim Statutom.

Član 7.

Puni naziv Partije glasi: Socijaldemokratska partija Bosne i Hercegovine.
Skraćeni naziv partije glasi: SDP BiH kao i SDP BiH - Socijaldemokrati BiH.
Sjedište SDP BiH je u Sarajevu, ulica Alipašina broj 41.

Član 8.

SDP BiH ima svoj znak, zastavu i pečat. Znak je ruža crvene boje, čije latice čine skraćenicu SDP BiH i pored nje slovna oznaka "SDP" ispisana latinicom i ćirilicom crvene boje.

Zastava je pravougaonog oblika omjera strana 2:1 crvena sa znakom SDP BiH obrubljenim bijelom linijom.

Odlukom organa SDP BiH za različite manifestacije mogu se izraditi prigodne zastave.

Pečat SDP BiH je okruglog oblika, prečnika tri centimetra, sa znakom "SDP BiH" i (ružom) u sredini, oko koga je latinicom i ćirilicom ispisano: "Socijaldemokratska partija Bosne i Hercegovine".

U SDP BiH u ravnopravnoj upotrebi su bosanski, srpski i hrvatski jezik, kao i oba zvanična pisma (latinica i ćirilica).

Član 9.

SDP BiH kao svečanu pjesmu koristi – "Internacionalu".

Za potrebe izbornih kampanja i druge manifestacije mogu se koristiti prigodne pjesme. Korištenje i čuvanje pečata, znaka, zastave i svečane pjesme, uredit će se posebnom odlukom koju donosi Glavni odbor. Znak SDP BiH zaštitit će se u skladu sa zakonom.

Član 10.

SDP BiH organizuje "Dane SDP BiH", u maju svake godine, počevši od obilježavanja Međunarodnog dana rada 1. maja do obilježavanja Dana pobjede nad fašizmom i Dana Evrope 9. maja.

Predsjedništvo SDP BiH, u koordinaciji sa općinskim/gradskim i kantonalnim/regionalnim organizacijama, bliže određuje sadržaj i način organizovanja "Dana SDP BiH", kao i obilježavanje drugih datuma i jubileja SDP BiH, antifašističkog pokreta, Odbrambeno - oslobodilačkog rata 1992 - 1995. godine i oslobodilačkih težnji naroda i građana/ki Bosne i Hercegovine.

Član 11.

SDP BiH dodjeljuje priznanja i nagrade za doprinos izgradnji, jačanju, afirmaciji i ostvarivanju programskih ciljeva SDP BiH. Priznanja i nagrade, te način njihove dodjele uređuje Glavni odbor posebnom odlukom.

Član 12.

Rad i djelovanje SDP BiH je javno. Javnost rada i djelovanje članstva, organa i SDP BiH u cjelini ostvaruje se na javnim skupovima, tribinama, učestvovanjem na okruglim stolovima i na druge načine, uspostavljajući odnose i djelujući na javno mišljenje građana, birača, simpatizera i članova SDP BiH.

Načela javnog rada i djelovanja u smislu predhodnog stava ovog člana bliže uređuje svojim odlukama Glavni odbor SDP BiH.

Javno djelovanje osigurava se i sjednicama i sastancima organa SDP-a otvorenim za javnost i članstvo, konferencijama za novinare, izjavama, saopćenjima za javnost, izdavanjem publikacija i časopisa te putem internetskih stranica.

Organi SDP-a mogu raspravljati i odlučivati bez prisustva javnosti.

ČLANSTVO

Prijem u članstvo SDP BiH

Član 13.

Članom/icom SDP BiH može postati punoljetan/na građanin/ka Bosne i Hercegovine koji/a dobrovoljno popuni i potpiše pristupnicu potvrđujući na taj način da prihvata Program i Statut SDP BiH, da nije član/ica druge političke organizacije, stranke ili partije, na osnovu čega stiče pravo na upis u registar članstva SDP BiH.

Član/ica SDP BiH u pravilu svoja prava i obaveze, ostvaruje u općinskoj/gradskoj organizaciji prema njegovom mjestu prebivališta.

Članstvo i djelovanje članova/ica SDP BiH u interesnim oblicima organizovanja nije uslovljeno prebivalištem. Način organizovanja i djelovanja članova SDP BiH u inostranstvu i članova koji imaju status raseljenih i izbjeglih lica, uredit će se odlukom Glavnog odbora SDP BiH.

Član 14.

Sekretar/ka organizacije na svakoj sjednici općinskog/gradskog odbora, upoznaje članove/ice organa sa podacima o novim članovima/icama organizacije.

Prava i obaveze člana/ice SDP BiH stižu se upisom u registar članstva SDP BiH.

Član 15.

Općinske/gradske organizacije su dužne redovno dostavljati izvještaj o prijemu novih članova/ica Sekretarijatu SDP BiH, a obavezno jednom u 90 dana, bez obzira da li je izvršen prijem članova u tom periodu.

Član 16.

Izuzetno od odredbe člana 13. stav 1. odluku o prijemu u članstvo SDP BiH osoba koje su bile članovi/ice rukovodstva i organa drugih stranaka, odnosno izabrani vijećnici/e, odbornici/e ili zastupnici/e ili su bili isključeni iz SDP BiH, razmatra i donosi predsjedništvo organizacije odgovarajućeg nivoa organizovanja SDP BiH.

Član 17.

Sekretarijat SDP BiH vodi jedinstveni registar članova/ica.

Članovima SDP BiH izdaje se članska karta nakon upisa u registar članstva SDP BiH.

Član 18.

Izgled i sadržaj jedinstvenog registra članova/ica, kao i članske kartice, utvrđuje Predsjedništvo SDP BiH posebnim pravilnikom. Uz jedinstveni registar članova/ica vodi se i Registar kadrovske baze SDP BiH, po kriterijima profesionalne i stručne osposobljenosti članstva.

Član 19.

Članstvo u SDP BiH može biti i počasno, a počasni član/ica može biti samo osoba koja nije državljanin Bosne i Hercegovine. Odluku o primanju u počasno članstvo SDP BiH donosi Glavni odbor SDP BiH na prijedlog Predsjedništva SDP BiH, u skladu sa kriterijima koje utvrđuje Glavni odbor SDP BiH. Počasni član/ica nema prava i obaveze člana SDP BiH koja proizlaze iz ovog Statuta. Prava i obaveze počasnog člana/ice SDP BiH utvrđuje Glavni odbor SDP BiH. O počasnim članovima SDP BiH u Sekretarijatu SDP BiH vodi se posebna evidencija.

Prava i obaveze člana SDP BiH

Član 20.

Član/ica SDP BiH ima prava i obaveze :

- da učestvuje u kreiranju i ostvarivanju politike SDP BiH;
- da se pridržava Statuta i Programa SDP BiH;
- da provodi odluke organa SDP BiH;
- da se zalaže i aktivno radi na ostvarivanju programskih ciljeva SDP BiH;
- da svojim djelovanjem i ponašanjem čuva i jača ugled SDP BiH;
- da se zalaže za unapređenje međusobnih odnosa i štiti ugled članova SDP BiH;
- da se u medijskim i drugim istupima s poštovanjem i uvažavanjem odnosi prema članovima/icama SDP BiH;
- da inicira i učestvuje u aktivnostima SDP BiH;
- da pridobija nove članove/ice SDP BiH;
- da bira i da bude biran/a u organe SDP BiH;
- da bude kandidat SDP BiH za predstavničke i izvršne organe vlasti;
- da pokreće inicijative za rad SDP BiH i njegovih organa;
- da se sam kandiduje za izbore u postupku kandidovanja;
- da bude informiran o svim pitanjima i aktivnostima organa SDP BiH;
- da javno iskazuje svoje mišljenje;
- da sudjeluje u aktivnostima SDP BiH;
- da ima pravo na solidarnu pomoć u slučaju potrebe;
- da redovno plaća članarinu;
- da se kontinuirano politički obrazuje;
- da ostvaruje druga prava i izvršava druge obaveze u skladu sa odredbama Statuta SDP BiH i odlukama donesenih na osnovu Statuta SDP BiH;
- da poštuje Etički kodeks koji donosi Glavni odbor SDP BiH.

-

Član 21.

Članovi/ice SDP BiH uživaju punu slobodu vjerskih uvjerenja, uključujući i slobodu iskazivanja vlastitog svjetonazora, kao i slobodu iskazivanja vjerskog, nacionalnog i etničkog identiteta.

Članarina

Član 22.

Član/ica je dužan redovno plaćati članarinu, koja se koristi isključivo za finansiranje rada općinske/gradske organizacije SDP BiH. Visina članarine zavisi od vrste primanja i socijalnog stanja svakog člana:

- za zaposlene;
- za nezaposlene, učenike, studente i penzionere;
- za članove koji ostvaruju nadoknade koje proizlaze iz mandata SDP BiH;
- za članove koji primaju redovnu plaću iz mandata SDP BiH.

Obaveze i prava iz prethodnih stavova ovog člana, utvrđuju se posebnom odlukom Glavnog odbora SDP BiH.

Član/ica može davati materijalnu pomoć SDP BiH u obliku donacija i drugih oblika pomoći u skladu sa pozitivnim propisima Bosne i Hercegovine.

Davanjem materijalne pomoći SDP BiH niko ne može ostvarivati dodatna ili posebna prava.

Član 23.

Član/ica SDP BiH koji nije izmirio dospjelu članarinu na dan raspisivanja unutarpartijskih izbora, održavanja konferencija ili Kongresa, ne može učestvovati u izbornim procesima za organe SDP BiH kao glasač, kandidat ili delegat Kongresa ili Konferencije.

Član/ica SDP BiH koji nije izmirio članarinu na dan raspisivanja lokalnih ili općih izbora u Bosni i Hercegovini, ne može biti kandidat SDP BiH na izborima za zakonodavne organe vlasti bilo kojeg nivoa, odnosno za pozicije u organima izvršne vlasti ili drugim pozicijama koje se imenuju na prijedlog SDP BiH.

Prestanak članstva u SDP BiH

Član 24.

Članstvo u SDP BiH prestaje:

- istupanjem člana/ice iz SDP BiH (pisanom izjavom, aktom povrata članske iskaznice ili drugom javnom radnjom ili postupkom kojim se nedvosmisleno manifestira volja prestanka članstva u SDP BiH);
- brisanjem iz evidencije članstva SDP BiH;
- isključenjem iz članstva SDP BiH.

Član 25.

Član/ica SDP BiH briše se iz evidencije članova SDP BiH u slučaju:

- učlanjenja u drugu političku stranku;
- kandidovanja na listi druge političke stranke, nezavisnoj listi ili kao nezavisni kandidat/kinja bez saglasnosti organa SDP BiH;
- prelaska u samostalne zastupnike/ce odnosno vijećnike/ce ili odbornike/ce;
- ukoliko u procesu reevidencije članstva koji organizuje Glavni odbor ili općinski/gradski odbor SDP BiH, ne potvrdi svoje članstvo u SDP BiH;
- ako godinu dana ne plaća članarinu i ako svoju obavezu ne izvrši u roku od 30 dana od dana dostavljanja pisanog upozorenja.

Odluku o brisanju iz evidencije donosi općinski/gradski odbor SDP BiH.

Član/ica SDP BiH može u roku od osam (8) dana, od dana dostavljanja odluke iz prethodnog stava, uložiti žalbu Statutarnom odboru SDP BiH.

Odluku po žalbi Statutarni odbor SDP BiH dužan je donijeti u roku od 30 dana. Do donošenja odluke iz prethodnog stava, prava i obveze člana/ice SDP BiH miruju. Odluka Statutarnog odbora SDP BiH je konačna.

Član 26.

Protiv člana/ice čije je ponašanje i djelovanje usmjereno protiv odluka organa SDP BiH ili svojim nečasnim djelima i postupcima krši Statut SDP BiH, programska načela i ciljeve, te tako nanosi štetu SDP BiH može se nakon rasprave na organima izreći odgovarajuća sankcija.

Sankciju izriče odgovarajući organ po vlastitoj inicijativi, odnosno na prijedlog za utvrđivanje odgovornosti koji može podnijeti neki od organa istog ili drugog nivoa organiziranja SDP BiH. Ukoliko sankciju izrekne predsjedništvo organizacije po žalbi člana/ice kome je sankcija izrečena izjašnjava se odbor odgovarajućeg nivoa organizovanja.

Ako odbor potvrdi odluku svog predsjedništva ona je konačna i stupa na snagu danom donošenja ili protekom roka za žalbu kada žalba nije podnesena, a ako odluka nakon žalbe ne bude potvrđena ne proizvodi pravno dejstvo.

Član 27.

Sankcije koje se nakon rasprave iz stava 1. prethodnog člana mogu izreći:

- opomena,
- suspenzija sa svih partijskih funkcija ili
- isključenje iz SDP BiH.

Opomena ili suspenzija se izriče za povrede obaveze iz člana 20. ovog Statuta, kojima je nanesena manja šteta SDP BiH, kada se ocijeni da će ta mjera imati pozitivan učinak na daljnje postupke, aktivnosti i djelovanje tog člana u SDP BiH.

Isključenje iz SDP BiH može se izreći članu za teže oblike povreda obaveza iz člana 20. ovog Statuta, kojima je SDP BiH nanescena znatna šteta.

Isključenje se obavezno izriče u slučaju kada je član pravosnažno osuđen za krivična djela organizovanog kriminala, privrednog kriminala i korupcije.

Odluku o opomeni, suspenziji sa funkcija ili odluku o isključenju u pravilu donosi općinski/gradski odbor, odnosno nadležni odbor za članove viših organa SDP BiH većinom glasova od ukupnog broja članova tog organa.

Član 28.

Osnova za donošenje odluke je usmena rasprava koju provode ovlaštena lica nadležnog organa. Odlukom nadležnog organa o provođenju partijskog postupka iz člana 26. i 27. ovog Statuta, utvrđuju se ovlaštena lica iz sastava organa za provođenje usmene rasprave i rok za podnošenje izvještaja o rezultatima usmene rasprave sa prijedlogom odluke.

Odluka o provođenju partijskog postupka mora sadržavati obrazloženje i dokaze o povredi obaveza koje se stavljaju na teret članu protiv kojeg se partijski postupak vodi.

Član/ica protiv kojeg se vodi postupak poziva se obavezno na usmenu raspravu bez obzira pred kojim organom se postupak vodi.

Svi organi u prvom i drugom stepenu odlučivanja dužni su, na zahtjev člana/ice protiv kojeg se postupak vodi, osigurati prisustvo jednog člana/ice SDP BiH kao njegovu podršku u sporu.

O usmenoj raspravi vodi se zapisnik sa sadržajem rasprave. Sudionici rasprave mogu tražiti da se njihove izjave doslovno unesu u zapisnik.

O izvještaju sa usmene rasprave i prijedlogu odluke o opomeni, suspenziji sa funkcija ili isključenju, vodi se rasprava na nadležnom odboru.

Član 29.

U slučaju kada procijeni da bi odlaganje donošenja odluke o isključenju dovelo do veće štete po SDP BiH, odluku o isključenju može donijeti predsjedništvo organizacije.

Takvu odluku, bez obzira da li se isključeni član žalio ili nije, mora potvrditi odgovarajući odbor na prvoj narednoj sjednici. Ukoliko odbor ne potvrdi odluku o isključenju ona ne proizvodi pravno dejstvo.

Član 30.

Protiv Odluke o opomeni, suspenziji sa svih partijskih funkcija ili isključenja iz SDP BiH član/ica kome je izrečena mjera može izjaviti žalbu Statutarnom odboru SDP BiH u roku od sedam (7) dana od dana dostavljanja odluke.

Statutarni odbor donosi odluku po žalbi u roku od 15 dana od dana dostavljanja žalbe.

Statutarni odbor nakon razmatranja žalbe može istu odbiti i potvrditi odluku ili je uvažiti i odluku vratiti na ponovno odlučivanje.

Prilikom donošenja odluke Staturni odbor odlučuje samo o eventualnim proceduralnim greškama, a ne može se upuštati u ocjenjivanje odluke u meritumu.

Član 31.

Ponovni prijem člana/ice SDP BiH koji je brisan iz registra članstva ili je bio isključen iz SDP BiH moguć je uz ispunjenje određenih uvjeta:

- podnošenje zahtjeva za prijem u članstvo organu koji je donio odluku o brisanju iz registra, odnosno isključenju,
- za člana/icu koji je brisan/a, protek šest (6) mjeseci od dana brisanja,
- za isključenog člana, protek roka od jedne godine od dana isključenja,
- razmatranje zahtjeva od strane organa kojem je podnesen zahtjev za ponovni prijem u članstvo.

Član/ica koji je isključen iz SDP BiH zbog pravosnažne presude za krivična djela organizovanog kriminala, privrednog kriminala i korupcije, ne može podnijeti zahtjev prije isteka dvije godine od dana kada je okončano izvršenje krivične sankcije ili od dana proteka vremena provjeravanja u slučaju uslovne osude.

Anketa članstva i referendum u SDP BiH

Član 32.

U cilju utvrđivanja volje članstva i jačanja njihovog uticaja na politiku, kadrovska rješenja i djelovanje SDP BiH o najbitnijim pitanjima politike i razvoja, može se organizovati ispitivanje stavova i mišljenja članova SDP BiH putem anonimne ankete članstva.

Odluku o provođenju općepartijske ankete o pitanjima na nivou SDP BiH, donosi Glavni odbor SDP BiH na prijedlog Predsjedništva SDP BiH ili najmanje 1/3 članova Glavnog odbora SDP BiH. Za druge nivoe organizovanja SDP BiH, odluku o anketi donose odgovarajući odbori SDP BiH isključivo iz domena svog rada i za pitanja koja se tiču nivoa na kojem su organizovani uz pribavljeno mišljenje Predsjedništva SDP BiH.

U Odluci o provođenju ankete utvrđuju se anketna pitanja, način njenog provođenja i razmatranje rezultata ankete.

Ankete mogu provoditi interesno - politički oblici djelovanja o pitanjima iz nadležnosti svoga rada, o čemu odluku donose organi tih oblika djelovanja.

Član 33.

Između dva kongresa SDP BiH, Glavni odbor SDP BiH može donijeti odluku o održavanju referenduma u cilju utvrđivanja volje članstva po određenim pitanjima u državi i/ili u SDP BiH. Referendum se može raspisati radi zauzimanja stava vezano za ključna politička pitanja,

kao što su: izmjene Ustava u BiH, ujedinjenje sa drugim političkim subjektima, učestvovanje u izvršnoj vlasti i stupanje u koalicione odnose.

Odluku o provođenju referenduma donosi Glavni odbor SDP BiH, a inicijativu sa referendumskim pitanjem mogu podnijeti svi organi SDP BiH i odbori teritorijalnih organizacija SDP BiH.

Odlukom o provođenju referenduma utvrđuje se referendumsko pitanje, način njegovog provođenja, uslovi valjanosti rezultata referenduma i način implementacije rezultata referenduma.

Rezultati referenduma u SDP BiH su valjani ako na referendum izađe većina članova SDP BiH i ako se na referendumsko pitanje većina članova SDP BiH koji su glasali, izjasnilo: „ZA”. Odluke donesene na osnovu referenduma obavezujuće su za sve nivoe organizovanja i organe u SDP BiH.

Ukoliko na referendum ne izađe potrebna većina u smislu prethodnog stava, odluku o pitanjima o kojima je provoden referendum, donosi Glavni odbor SDP BiH.

ODNOSI U SDP BiH

Osnovni principi odnosa u SDP BiH

Član 34.

Demokratski princip je osnovni način za utvrđivanje politike SDP BiH i djelovanje organizacija, organa i tijela SDP BiH. Sve funkcije u SDP BiH jednako su dostupne ženama i muškarcima. Svi članovi/ice SDP BiH imaju pravo da pokreću inicijative i postavljaju pitanja organima i nosiocima funkcija u SDP BiH koja se odnose na provođenje Programa, Statuta i unutarpartijska pitanja na način na koji bude propisano aktima Glavnog odbora SDP BiH. Organi i nosioci funkcija u SDP BiH su dužni u roku od 30 dana odgovoriti na postavljeno pitanje ili upućenu inicijativu.

Član 35.

U SDP BiH je dozvoljeno pravo na javno iskazivanja manjinskog mišljenja.

Član/ica ne može trpjeti posljedice iznošenja manjinskog mišljenja.

Manjinsko mišljenje ne može biti u suprotnosti sa Programom i Statutom SDP BiH.

U SDP BiH nije dopušteno institucionaliziranje manjinskog mišljenja u organiziranom obliku, niti je dopušteno frakcijsko djelovanje.

Član 36.

U aktivnostima SDP BiH, na svim nivoima organiziranja i oblicima djelovanja, mogu učestvovati i simpatizeri/ke SDP BiH bez prava odlučivanja.

Općinski i gradski odbori i osnovne organizacije SDP BiH su obavezni da najmanje jednom godišnje organiziraju javne skupove članova i simpatizera SDP BiH u cilju unapređenja akcionog i političkog djelovanja.

Član 37.

U slučaju ukazane potrebe za zaštitu članova/ica SDP BiH može se organizirati sistem zaštite članova/ica u vidu:

- a) Pravnog savjetovališta
- b) Fonda solidarnosti SDP BiH

Odluku o osnivanju i djelokrugu rada Pravnog savjetovališta i Fonda solidarnosti na prijedlog generalnog sekretara, donosi Predsjedništvo SDP BiH.

Izbori za predsjednike/ce u SDP BiH

Član 38.

Predsjednika/cu SDP BiH bira Kongres SDP BiH većinom glasova prisutnih delegata/kinja, a predsjednike/ce svih teritorijalnih organizacija SDP BiH, biraju konferencije nadležne općinske ili gradske organizacije, kantonalne ili regionalne organizacije, ili organizacija Brčko distrikta BiH većinom glasova prisutnih delegata/kinja konferencije.

Član 39.

Predsjednici/ce teritorijalnih organizacija SDP BiH se biraju na izbornoj konferenciji teritorijalne organizacije u skladu sa odredbama ovog Statuta.

Član 40.

Izbori za predsjednika/cu bilo kojeg nivoa u SDP BiH mogu biti redovni i vanredni.

Odlučivanje i trajanje mandata u SDP BiH

Član 41.

Organi SDP BiH punovažno zasjedaju i odlučuju kada je prisutno više od polovine od ukupnog broja njihovih članova/ica (kvalificirana većina), a Kongres ako je prisutno više od dvije trećine od ukupnog broja delegata/kinja Kongresa.

Organi SDP BiH donose odluke većinom glasova prisutnih članova/ica (prosta većina), osim ako ovim Statutom nije drugačije određeno. Glasanje u organima SDP BiH u pravilu je javno, osim u slučajevima za koje je ovim Statutom drugačije određeno.

Član 42.

Izbor organa SDP BiH vrši se tajnim glasanjem između više kandidata/kinja, osim kad to nije moguće osigurati u procesu kandidovanja.

Mandatni period za sve funkcije, u svim organima SDP BiH i organima svih nivoa organizovanja, uključujući i interesne oblike organizovanja, je četiri godine.

Obnašanje funkcije kraće od dvije godine ne smatra se mandatom u smislu prethodnog stava. Dužnost predsjednika/ce SDP BiH može se obavljati najviše u dva uzastopna mandata, dok na ostalim nivoima organizovanja broj mandata nije ograničen.

Član 43.

Član/ica SDP BiH može biti izabran najviše u dva odbora na različitim nivoima organizovanja, te u jedan kao član/ica po funkciji - izvedena funkcija.

Član/ica SDP BiH može biti predsjednik/ca, potpredsjednik/ca ili sekretar/ka na jednom nivou organizovanja, te predsjednik/ca na još jednom drugom nivou organizovanja kao predsjednik/ca kantonalnog, regionalnog ili Glavnog odbora, uključujući interesne političke oblike organizovanja u SDP BiH.

ORGANIZACIONA STRUKTURA I ORGANI SDP BiH

Član 44.

SDP BiH kao jedinstvena multietnička politička organizacija obuhvata cjelokupno članstvo i sve organizacijske oblike SDP BiH na području Bosne i Hercegovine.

Socijaldemokratska partija Bosne i Hercegovine u pravnom prometu djeluje kao jedna pravna osoba.

SDP BiH kao jedinstvena politička organizacija svoje političko djelovanje i aktivnosti ostvaruje putem:

- organa i tijela SDP BiH,
- teritorijalnih organizacija SDP BiH: općinska/gradska (u daljem tekstu OO/GO), kantonalna/regionalna organizacija i organizacija Brčko distrikta (u daljnjem tekstu KO/RO/OBD), sa svojim organima i
- interesno-političkih oblika djelovanja.

Organi SDP BiH

Član 45.

Organi SDP BiH su:

- Kongres,
- Glavni odbor,
- Predsjedništvo,
- Predsjednik/ca,
- Nadzorni odbor i
- Statutarni odbor.

Član 46.

Političke funkcije u SDP BiH su:

- Predsjednik/ca i zamjenici/ce predsjednika/ce SDP BiH,
- Predsjednik/ca Glavnog odbora,
- Generalni/a sekretar/ka i
- Politički/a direktor/ica.

Kongres SDP BiH

Član 47.

Kongres je najviši organ odlučivanja u SDP BiH, a njega sačinjavaju delegati/kinje koji su izabrani u općinskim i gradskim organizacijama SDP BiH, predsjednik/ca SDP BiH, članovi/ice Glavnog odbora SDP BiH, članovi/ice Nadzornog odbora SDP BiH, članovi/ice Statutarnog odbora SDP BiH, predstavnici/ce Foruma mladih SDP BiH, Foruma žena SDP BiH, Foruma sindikalnih aktivista SDP BiH, Foruma seniora i predstavnici/ce savjeta SDP BiH. Izbor delegata/kinja Kongresa vrši se prema odluci Glavnog odbora SDP BiH, po osnovu izbornih rezultata na posljednjim održanim izborima u Bosni i Hercegovini i broju članova/ica općinske odnosno gradske organizacije SDP BiH.

Svaka općinska i gradska organizacija SDP BiH zastupljena je na Kongresu sa najmanje jednim delegatom/kinjom.

Na Kongresu učestvuju, ali bez prava odlučivanja, ukoliko nisu delegati po drugom osnovu: članovi SDP BiH koji obavljaju dužnost člana/ice Predsjedništva Bosne i Hercegovine, predsjednika/ce odnosno potpredsjednika/ce Federacije Bosne i Hercegovine, predsjednika/ce odnosno potpredsjednika/ce Republike Srpske, zastupnika/ce ili delegata/kinje u Parlamentarnoj skupštini Bosne i Hercegovine, Parlamentu Federacije Bosne i Hercegovine, Narodnoj skupštini Republike Srpske, Vijeću naroda Republike Srpske, Skupštini Brčko distrikta BiH, člana/ice Vijeća ministara Bosne i Hercegovine, Vlade Federacije Bosne i Hercegovine, Vlade Republike Srpske, Vlade Brčko distrikta BiH ili člana/ice Sekretarijata SDP BiH.

Odredbе ovog člana shodno se primjenjuju i na konferencije svih nivoa organizovanja u SDP BiH.

Član 48.

Redovni Kongres SDP BiH se održava jednom u četiri godine, najkasnije 60 dana od dana kada ističe mandat u organima SDP BiH izabranim na prethodnom Kongresu SDP BiH.

Odluku o održavanju Kongresa SDP BiH donosi Glavni odbor SDP BiH.

Odlukom Glavnog odbora SDP BiH utvrđuje se: prijedlog dnevnog reda Kongresa SDP BiH, način izbora i broj delegata Kongresa SDP BiH.

Prijedloge dokumenata koje razmatra Kongres SDP BiH utvrđuje Glavni odbor SDP BiH.

Kongres SDP BiH saziva i rukovodi njegovim radom do izbora Radnog predsjedništva Kongresa, predsjednik/ca SDP BiH, a u slučaju njegove/ne odsutnosti ili spriječenosti, zamjenik/ca predsjednika/ce SDP BiH najstariji po godinama života.

Član 49.

Dnevni red i prijedlozi dokumenata po dnevnom redu dostavljaju se delegatima/kinjama najkasnije deset (10) dana prije održavanja Kongresa SDP BiH.

Član 50.

Kongres SDP BiH bira Radno predsjedništvo Kongresa SDP BiH i donosi Poslovnik o radu Kongresa SDP BiH.

Provjeru legitimacija delegata/kinja vrši Verifikaciona komisija koju imenuje Kongres SDP BiH. Kongres SDP BiH punovažno odlučuje ako je prisutno više od 2/3 delegata/kinja Kongresa SDP BiH.

Kongres SDP BiH donosi odluke većinom glasova prisutnih delegata/kinja Kongresa SDP BiH. Kongres SDP BiH dvotrećinskom većinom verifikovanih delegata Kongresa, donosi i mijenja Program i Statut SDP BiH.

Član 51.

Kongres SDP BiH je nadležan da:

- donosi Poslovnik o radu Kongresa SDP BiH;
- donosi i mijenja Program i Statut SDP BiH;
- utvrđuje smjernice i stavove za djelovanje organa SDP BiH i članova SDP BiH između dva Kongresa SDP BiH;
- donosi odluke o prijedlozima upućenim Kongresu SDP BiH;
- donosi odluke, deklaracije, rezolucije i druge akte iz svoje nadležnosti;
- raspravlja i odlučuje o usvajanju izvještaja o radu predsjednika/ce SDP BiH, kao i nosilaca/teljica funkcija i organa koje bira;
- bira i razrješava Glavni odbor SDP BiH, Nadzorni odbor SDP BiH i Statutarni odbor SDP BiH;
- bira i razrješava predsjednika/cu SDP BiH;
- odlučuje o prestanku rada SDP BiH nakon provedenog referenduma članstva SDP BiH;
- odlučuje o raspodjeli imovine u slučaju prestanka rada SDP BiH;
- odlučuje o povjerenju predsjedniku/ci SDP BiH i organima koje bira i
- razmatra druga strateška pitanja vezana za djelovanje SDP BiH.

Član 52.

Pravilnik o kandidovanju za članove/ice u kolektivnim organima SDP BiH koje bira Kongres SDP BiH, donosi Glavni odbor SDP BiH istovremeno sa donošenjem Odluke o održavanju Kongresa SDP BiH.

Član 53.

Izbor članova/ica Glavnog odbora SDP BiH, Nadzornog i Statutarnog odbora SDP BiH, vrši se tajnim glasanjem između kandidata/kinja koji su prihvatili kandidaturu, a na osnovu Pravilnika iz člana 52. ovog Statuta.

Proces dodatnog kandidovanja i samokandidovanja za člana/icu Glavnog odbora, Nadzornog odbora i Statutarnog obora SDP BiH propisuje Glavni odbor Pravilnikom o kandidovanju za članove/ice u kolektivnim organima SDP BiH.

Za članove/ice Glavnog odbora SDP BiH, Nadzornog odbora i Statutarnog odbora SDP BiH, izabrani su oni kandidati koji su dobili najveći broj glasova u skladu sa Poslovnikom o radu Kongresa SDP BiH, uz poštivanje kriterija utvrđenih ovim Statutom.

Izbor predsjednika/ce SDP BiH vrši se tajnim glasanjem između kandidata/kinja koji su prihvatili kandidaturu i to većinom glasova prisutnih delegata/kinja.

Kandidate/kinje za predsjednika/cu SDP BiH predlaže Glavni odbor SDP BiH.

Ako nijedan od kandidata/kinja za Predsjednika SDP BiH ne dobije potrebnu većinu glasova u prvom krugu glasanja, izbor se ponavlja između dva/ije kandidata/kinje koji su dobili najviše glasova. Izabran je kandidat/kinja koji u drugom krugu glasanja dobije više glasova.

Član 54.

Predsjednik/ca Glavnog odbora SDP BiH, predsjednik/ca Nadzornog odbora SDP BiH i predsjednik/ca Statutarnog odbora SDP BiH, su pripadnici različitih konstitutivnih naroda i Ostalih.

Zamjenici/ce predsjednika/ce SDP BiH su pripadnici različitih konstitutivnih naroda i Ostalih, a najmanje jedan iz svakog entiteta.

Potpredsjednici/ce Glavnog odbora SDP BiH, Nadzornog odbora SDP BiH i Statutarnog odbora SDP BiH, su pripadnici različitih konstitutivnih naroda i Ostalih. Prilikom izbora potpredsjednika/ca vodit će se računa o teritorijalnoj zastupljenosti.

Odredbe ovog člana, shodno se primjenjuju na organe i funkcije svih nižih nivoa organizovanja SDP BiH, gdje za to postoji objektivna mogućnost.

Član 55.

Pored redovnog Kongresa SDP BiH, može se održati i vanredni Kongres SDP BiH.

Član 56.

Odluku o održavanju vanrednog Kongresa SDP BiH donosi Glavni odbor SDP BiH kada utvrdi da je to neophodno zbog izuzetnih prilika u Bosni i Hercegovini ili u SDP BiH.

Odluku o održavanju vanrednog Kongresa SDP BiH donosi Glavni odbor SDP BiH dvotrećinskom većinom od ukupnog broja članova Glavnog odbora SDP BiH.

Vanredni Kongres SDP BiH saziva Predsjednik SDP BiH.

Odluku o održavanju vanrednog kongresa će donijeti Glavni odbor prostom većinom kada to od njega zatraži najmanje jedna petina općinskih i gradskih odbora SDP BiH, od ukupnog broja općinskih i gradskih odbora, iz najmanje tri kantonalne, regionalne ili Organizacija Brčko Distrika BiH.

Ukoliko Glavni odbor u roku od 30 dana od prijema zahtjeva iz prethodnog stava ne postupi prema zahtjevu, vanredni Kongres će sazvati organi koji su to tražili. U tom slučaju delegati/kinje se biraju u skladu s odlukom o izboru delegata/kinja prethodnog Kongresa SDP BiH.

Član 57.

Dnevni red i prijedlozi dokumenata po dnevnom redu dostavljaju se delegatima najkasnije pet (5) dana prije održavanja vanrednog Kongresa SDP BiH.

Glavni odbor SDP BiH

Član 58.

Glavni odbor SDP BiH je najviši organ SDP BiH između dva Kongresa SDP BiH i čine ga:

- 65 članova/ica koje bira Kongres SDP BiH;
- do 15 kooptiranih članova/ica po odluci Glavnog odbora SDP BiH;
- do 15 članova/ica po osnovu odluke Glavnog odbora SDP BiH o povećanju broja članova;
- do 15 članova/ica Glavnog odbora koji se imenuju u Glavni odbor na konstituirajućoj sjednici na prijedlog predsjednika/ce SDP BiH.

Pri izboru članova/ica Glavnog odbora osigurava se teritorijalna, nacionalna, socijalna, spolna i starosna zastupljenost članova/ica SDP-a BiH.

Član 59.

Svaka kantonalna, regionalna i Organizacija Brčko distrikta BiH mora biti zastupljena sa najmanje jednim članom/icom Glavnog odbora. Nakon toga potreban broj članova/ica Glavnog odbora popunjava se na osnovu liste sačinjene po broju glasova kandidata/kinja na Kongresu SDP BiH uz obavezu ispunjavanja sljedećih kvota:

- da je najmanje dvadeset (20) posto članova/ica Glavnog odbora iz reda svakog konstitutivnog naroda;
- da je najmanje pet (5) posto članova/ica Glavnog odbora iz reda Ostalih;
- da je najmanje trideset (30) posto članova/ica Glavnog odbora do 35 godina starosti;
- da je najmanje četrdeset (40) posto članova/ica Glavnog odbora manje zastupljenog spola;
- do je najmanje petnaest (15) posto članova/ica Glavnog odbora preko 60 godina starosti i
- da je najmanje deset (10) posto članova/ica Glavnog odbora radnika iz neposredne proizvodnje, ukoliko postoji ta mogućnost.

U sastavu Glavnog odbora SDP BiH nastojat će se osigurati zastupljenost oba spola u skladu sa Zakonom o ravnopravnosti spolova u BiH i drugim zakonima i propisima u Bosni i Hercegovini sa težnjom ka paritetu u skladu sa programskim političkim opredjeljenjima SDP BiH.

Glavni odbor SDP BiH odlukom o kandidovanju i izboru članova/ica organa SDP BiH osigurava mehanizme za poštivanje kriterija iz ovog člana.

Članovi/ice Glavnog odbora SDP BiH biraju se na period od četiri godine, ili kraće, ukoliko su izabrani na vanrednom Kongresu SDP BiH ili su kooptirani, odnosno izabrani na temelju odluke o proširenju, gdje je određen kraći mandat članova/ica Glavnog odbora SDP BiH.

Ako između dva Kongresa, član/ica Glavnog odbora SDP BiH bude izabran na dužnost nespojivu sa članstvom u Glavnom odboru SDP BiH ili zbog nekog drugog razloga više ne može obavljati svoju dužnost, Glavni odbor SDP BiH može na njegovo mjesto kooptirati novog člana koji je na listi kandidata/kinja za Glavni odbor SDP BiH dobio najveći broj glasova nakon

kandidata/kinja koji su izabrani na Kongresu, ne narušavajući strukturu Glavnog odbora SDP BiH iz prvog stava ovog člana. Izbor novih članova/ica Glavnog odbora SDP BiH vrši Glavni odbor SDP BiH na prijedlog Predsjedništva SDP BiH.

Odredbe prvog stava ovog člana shodno se primjenjuju na organe svih nivoa organizovanja u SDP BiH. Odredbe prvog stava ovog člana koje se odnose na nacionalnu zastupljenost će se primjeniti na organe svih nivoa organizovanja SDP BiH gdje god za to postoji objektivna mogućnost.

Član 60.

Na sjednice Glavnog odbora SDP-a BiH po potrebi se mogu pozvati da učestvuju, bez prava glasa:

- predsjednici/ce kantonalnih, regionalnih i Organizacije Brčko distrikta BiH;
- predsjednici/ce klubova zastupnika/ca i delegata/kinja u Parlamentarnoj skupštini Bosne i Hercegovine, Parlamentu Federacije Bosne i Hercegovine, Narodnoj skupštini Republike Srpske i Vijeću naroda Republike Srpske i Skupštini Brčko distrikta BiH;
- članovi/ice Predsjedništva BiH i predsjednici/ce i potpredsjednici/ce entiteta,
- članovi/ice Vijeća ministara Bosne i Hercegovine, Vlade Federacije Bosne i Hercegovine, Vlade Republike Srpske, Vlade Brčko distrikta BiH,
- gradonačelnici/ce i načelnici/ce koji su članovi/ice SDP BiH i
- predsjednici/ce interesno-političkih oblika organizovanja
- drugi članovi/ice SDP-a BiH ukoliko za to postoji potreba.

Odredbe ovog člana shodno se primjenjuju i na ostale nivoe organizovanja SDP BiH.

Član 61.

Glavni odbor SDP BiH:

- provodi i odgovoran je za provođenje odluka Kongresa, te odluka na temelju rezultata referendumu, koje imaju snagu kongresnih odluka;
- bira i razrješava predsjednika/cu i potpredsjednike/ce Glavnog odbora SDP BiH;
- donosi odluku o održavanju redovnog i vanrednog Kongresa SDP BiH;
- natpolovičnom većinom glasova ukupnog broja članova Glavnog odbora SDP BiH (u daljnjem tekstu „kvalifikovanom većinom“) utvrđuje prijedlog Programa i Statuta SDP BiH, te njihove izmjene i dopune;
- verifikuje prečišćeni tekst Statuta SDP BiH;
- bira i razrješava Predsjedništvo SDP BiH, zamjenike/ce predsjednika/ce SDP BiH i generalnog/u sekretara/ku iz reda članova/ica Glavnog odbora SDP BiH;
- bira i razrješava političkog/u i poslovnog/u direktora/icu;
- utvrđuje prijedloge kongresnih dokumenata;
- utvrđuje političke stavove SDP BiH o političkim, ekonomskim i socijalnim pitanjima;

- na prijedlog Predsjedništva SDP BiH utvrđuje kriterije i način kandidovanja za izbor kandidata/kinja za organe vlasti;
- na prijedlog Predsjedništva SDP BiH utvrđuje kriterije za izbor kandidata/kinja za sve organe SDP BiH;
- utvrđuje liste kandidata/kinja za organe SDP BiH koje bira Kongres SDP BiH;
- na prijedlog Predsjedništva SDP BiH donosi Izborni program i odluku o kandidatima/kinjama za Parlamentarnu Skupštinu BiH, Predsjedništvo BiH, Parlament Federacije i Narodnu skupštinu Republike Srpske, predsjednika/cu Republike Srpske;
- analizira izbornu aktivnost i rezultate izbora;
- donosi Odluku o održavanju Konvencije SDP BiH sa okvirnim prijedlogom dnevnog reda;
- kvalifikovanom većinom daje autentično tumačenje Statuta SDP BiH po predhodno pribavljenom mišljenju Statutarnog odbora SDP BiH;
- dvotrećinskom većinom ukupnog broja članova/ica donosi odluku o pokretanju postupka izglasavanja nepovjerenja predsjedniku/ici SDP BiH;
- donosi odluke i opće akte određene ovim Statutom;
- donosi odluku o osnivanju teritorijalnih organizacija i interesno-političkih oblika organizovanja SDP BiH u skladu sa ovim Statutom;
- donosi odluku o organizovanju i djelovanju članova/ica SDP BiH u inostranstvu i članova/ica SDP BiH koji imaju status raseljenih i izbjeglih lica;
- donosi u vanrednim prilikama akt statutarne snage kojim se utvrđuje organizacija i djelovanje SDP BiH do prestanka vanrednih prilika;
- donosi odluku o uspostavljanju koalicije sa drugim strankama u skladu sa odredbama ovog Statuta;
- donosi odluke o članstvu SDP BiH u međunarodnim asocijacijama;
- utvrđuje politiku upravljanja imovinom SDP BiH i donosi odluke o provođenju politike upravljanja imovinom SDP BiH i donosi odluke o prodaji imovine;
- razmatra i utvrđuje finansijsku politiku, te usvaja godišnje finansijske planove i razmatra godišnje izvještaje o radu i finansijskom poslovanju;
- odlučuje o formiranju preduzeća ili drugih oblika za obavljanje privrednih ili drugih djelatnosti u skladu sa zakonom;
- formira i imenuje svoje savjete u skladu sa potrebama SDP BiH, a njihov broj i način rada regulira posebnim aktom;
- utvrđuje politiku informiranja SDP BiH na prijedlog Predsjedništva;
- najmanje jednom godišnje analizira rad zastupnika/ca SDP BiH u državnom i entitetskim parlamentima na zajedničkoj sjednici sa klubovima zastupnika;
- analizira rad kantonalnih i regionalnih organizacija i interesno-političkih oblika organizovanja SDP BiH;
- donosi Poslovnik o svom radu;
- usvaja Etički kodeks SDP BiH i imenuje i razrješava Sud časti;
- donosi Pravilnik o partijskom postupku;

- donosi Pravilnik o kriterijima i načinu kandidovanja za izbore;
- imenuje Izborni štab SDP BiH na prijedlog Predsjedništva SDP BiH;
- razmatra i određuje se prema stavovima, prijedlozima i inicijativama koje dolaze iz savjeta, teritorijalnih organizacija i interesno-političkih oblika organizovanja, foruma, na prvoj sjednici po dobijanju stavova, prijedloga i inicijativa;
- odlučuje i o drugim pitanjima iz djelokruga rada SDP BiH koja ovim Statutom ili drugim aktima nisu data u nadležnost drugim organima SDP BiH;
- utvrđuje nacрте i prijedloge javnih politika SDP BiH u sklopu dvogodišnjeg cikličnog procesa planiranja i pripreme javnih politika SDP BiH;
- donosi odluku o provođenju konsultacija o nacrtima javnih politika SDP BiH;
- utvrđuje godišnji plan i program rada Centra za političku edukaciju i trening SDP BiH.

Član 62.

Glavni odbor SDP BiH, na prijedlog Predsjedništva SDP BiH, donosi odluku o raspuštanju općinskih, gradskih, kantonalnih, regionalnih i organizacije Brčko distrikta BiH, te interesno-političkih oblika organizovanja SDP BiH, kao i odluke o poništavanju izbornog procesa i raspuštanju organa općinskih, gradskih, kantonalnih, regionalnih i organizacije Brčko distrikta BiH, te interesno-političkih oblika organizovanja SDP BiH. Prijedlog Predsjedništva SDP BiH mora biti zasnovan na prethodno utvrđenom činjeničnom stanju, obrazložen i u pisanoj formi. U slučaju kada ocijeni nužnim Predsjedništvo SDP BiH može donijeti odluku o raspuštanju organizacija ili interesno-političkih oblika organizovanja. Odluku o raspuštanju potvrđuje Glavni odbor SDP BiH na prvoj narednoj sjednici.

Član 63.

Glavni odbor SDP BiH odluku o raspuštanju općinskih, gradskih, kantonalnih, regionalnih i organizacije Brčko distrikta BiH, te interesno-političkih oblika organizovanja SDP BiH donosi u slučajevima:

- zastoja njihovog rada čime se ugrožavaju programski i politički ciljevi SDP BiH;
- djelovanja koje je suprotno osnovnim političkim i programskim ciljevima SDP BiH;
- djelovanja koje je suprotno Statutu SDP BiH.

Članovi/ice raspuštene organizacije imaju pravo žalbe Statutarnom odboru SDP BiH u roku od 15 dana. Odluka Statutarnog odbora SDP BiH je konačna.

Glavni odbor SDP BiH prilikom raspuštanja organizacija i organa, odnosno poništavanja izbora organa dužan je donijeti mjere kojima se osigurava funkcionisanje organizacije, organa ili interesno-političkog oblika organizovanja u skladu sa Statutom SDP BiH, uključujući imenovanje povjerenika/ce koji je dužan u roku od 60 dana organizirati konferenciju.

Član 64.

Glavni odbor SDP BiH odluku o poništavanju izbora organa općinskih, gradskih, kantonalnih, regionalnih i Organizacije Brčko distrikta BiH, te interesno-političkih oblika organizovanja može donijeti u slučaju kada se utvrdi da izbor nije izvršen u skladu sa Statutom i odlukama organa SDP BiH i interesno-politički oblika organizovanja.

Protiv odluke iz prethodnog stava organ, čiji je izbor poništen u roku od 15 dana, može izjaviti zahtjev za preispitivanje statutarnosti odluke Statutarnom odboru SDP BiH koji je dužan u roku od 30 dana donijeti odluku.

Član 65.

U slučaju potrebe, Glavni odbor SDP BiH može donositi odluke sa statutarnom snagom, koje ne mogu umanjiti statutarna prava članova SDP BiH, nadležnost oblika djelovanja članstva i organa SDP BiH na svim nivoima političkog organizovanja.

Izuzetno u slučajevima promjena teritorijalnog uređenja Bosne i Hercegovine može se statutarnom odlukom drugačije urediti status i uloga organizacija.

Odluke sa statutarnom snagom Glavni odbor SDP BiH donosi dvotrećinskom većinom glasova od ukupnog broja članova/ica Glavnog odbora SDP BiH.

Glavni odbor SDP BiH odluke sa statutarnom snagom podnosi na verifikaciju Kongresu SDP BiH.

Član 66.

Predsjednik/ca SDP BiH saziva konstituirajuću sjednicu Glavnog odbora SDP BiH u roku od 30 dana od dana održavanja Kongresa i njenim radom rukovodi do izbora predsjednika/ce Glavnog odbora SDP BiH. Radom Glavnog odbora SDP BiH rukovodi predsjednik/ca Glavnog odbora SDP BiH. Broj potpredsjednika/ca Glavnog odbora SDP BiH, nadležnost i uloga, utvrđuje se Poslovníkom o radu Glavnog odbora SDP BiH.

Član 67.

U slučaju vanrednih prilika, neposredne ratne opasnosti ili ratnog stanja, funkcije Glavnog odbora SDP BiH vrši Predsjedništvo SDP BiH, prošireno predsjednikom/com i potpredsjednicima/cama Glavnog odbora SDP BiH.

Član 68.

Glavni odbor SDP BiH radi u sjednicama koje mogu biti redovne i hitne, a po potrebi se mogu održavati svečane i komemorativne, što se bliže uređuje Poslovníkom o radu Glavnog odbora SDP BiH.

Sjednice Glavnog odbora SDP BiH po potrebi se mogu održavati i putem sredstava elektronske komunikacije, uključujući videokonferencijske i audiokonferencijske platforme, ili drugim tehničkim sredstvima koja omogućavaju istovremenu komunikaciju svih učesnika. Sjednice održane na ovaj način smatraju se valjanim ako je omogućeno ravnopravno sudjelovanje članova i osigurana identifikacija sudionika.

Član 69.

Sjednice Glavnog odbora SDP BiH održavaju se u pravilu jednom u tri mjeseca, a sjednica se može sazvati kad god se za to ukaže potreba.

Sjednice saziva predsjednik/ca Glavnog odbora SDP BiH, a u slučaju njegove spriječenosti jedan od potpredsjednika/ca Glavnog odbora SDP BiH.

Na zahtjev predsjednika/ce SDP BiH, Predsjedništva SDP BiH ili trideset članova/ica Glavnog odbora SDP BiH, predsjednik/ca Glavnog odbora SDP BiH je dužan sazvati hitnu sjednicu Glavnog odbora SDP BiH i na dnevni red staviti pitanja koja su podnositelji zahtjeva tražili.

Ukoliko predsjednik/ca Glavnog odbora SDP BiH ne sazove sjednicu u roku od 20 dana od dana podnošenja zahtjeva, sjednicu Glavnog odbora SDP BiH saziva ovlašteni/a predstavnik/ca podnositelja zahtjeva, koji predlaže dnevni red i predsjedava sjednicom.

Član 70.

Glavni odbor SDP BiH punovažno odlučuje ako sjednici prisustvuje većina od ukupnog broja članova Glavnog odbora, a odluke donosi natpolovičnom većinom prisutnih članova, izuzev odluka za koje je ovim Statutom utvrđeno drugačije.

Glavni odbor nakon svake sjednice izrađuje interni bilten koji se dostavlja svim organizacijama i interesno-političkim oblicima organizovanja SDP BiH da upoznaju članove/ice o aktivnostima Glavnog odbora. Bilten sadrži izvod iz zapisnika, prisutne i odsutne članove/ice Glavnog odbora, te izvode iz bitnih diskusija.

Član 71.

Ukoliko član/ica Glavnog odbora SDP BiH iz neopravdanih razloga ne bude prisutan tri uzastopne sjednice, Glavni odbor SDP BiH može oduzeti mandat navedenom članu/ici dvotrećinskom većinom glasova prisutnih članova/ica.

Predsjedništvo SDP BiH

Član 72.

Predsjedništvo SDP BiH je izvršno-politički organ SDP BiH, kojeg čine izabrani članovi/ice i članovi/ice po funkciji.

Izabrani članovi/ice Predsjedništva SDP BiH su:

- predsjednik/ca SDP BiH;
- predsjednik/ca Glavnog odbora SDP BiH;
- tri (3) zamjenika/ce predsjednika/ce SDP BiH;
- generalni/a sekretar/ka SDP BiH i
- 15 izabranih članova/ica Predsjedništva SDP BiH.

Članovi/ice Predsjedništva SDP BiH po funkciji su:

- politički/a direktor/ica;
- poslovni/a direktor/ica;
- predsjednici/ce klubova zastupnika/ca u Parlamentarnoj skupštini Bosne i Hercegovine, Parlamentu Federacije Bosne i Hercegovine, Narodnoj skupštini Republike Srpske i Vijeću naroda Republike Srpske i Skupštini Brčko distrikta BiH.

Predsjednik SDP BiH po položaju je predsjednik Predsjedništva SDP BiH.

Član 73.

Glavni odbor SDP BiH, na svojoj konstituirajućoj sjednici, iz reda svojih članova/ica, tajnim glasanjem, natpolovičnom većinom glasova ukupnog broja članova/ica, po potrebi i u drugom krugu glasanja, bira: zamjenike/ce predsjednika/ce SDP BiH, 15 članova/ica Predsjedništva i generalnog/u sekretara/ku SDP BiH.

Pored predsjednika/ce SDP BiH, prijedlog kandidata/kinja za zamjenike/ce predsjednika/ce SDP-a, članove Predsjedništva i generalnog/u sekretara/ku može podnijeti i deset (10) članova/ica Glavnog odbora. Postupak i način izbora zamjenika/ca predsjednika/ce, članova/ica Predsjedništva i generalnog/e sekretara/ke, utvrđuje Glavni odbor SDP BiH Poslovníkom o radu koji je dužan donijeti na samoj sjednici. U drugom krugu glasanja, izabrani su oni kandidati/kinje koji dobiju najviše glasova.

Odredbe stava 3. ovog člana shodno se primjenjuju na sve nivoe organizovanja u SDP BiH, u skladu sa odlukom o organizovanju teritorijalne organizacije.

Član 74.

U slučaju da Glavni odbor SDP BiH izglasa nepovjerenje pojedinim izabranim članovima/icama, zamjeniku/ci predsjednika/ce SDP BiH, generalnom/oj sekretaru/ki ili Predsjedništvu SDP BiH kao kolektivnom organu SDP BiH, ili u slučaju podnošenja ostavke ili iz drugih razloga prestanka obavljanja funkcije zamjenika/ce predsjednika/ce SDP BiH, člana/ice Predsjedništva SDP BiH ili generalnog/e sekretara/ke, Glavni odbor SDP BiH će izvršiti izbor nedostajućeg broja članova/ica Predsjedništva SDP BiH ili zamjenika/ca predsjednika/ce SDP BiH ili izabrati nove članove/ice Predsjedništva SDP BiH ili zamjenike/ce predsjednika/ce SDP BiH, odnosno generalnog/u sekretara/ku SDP BiH.

U slučaju iz prethodnog stava, mandat članova/ica Predsjedništva SDP BiH, zamjenika/ca predsjednika/ce SDP BiH ili generalnog/e sekretara/ke SDP BiH, traje najduže do isteka mandata Glavnog odbora SDP BiH.

Obnašanje funkcije člana/ice Predsjedništva SDP BiH, zamjenika/ice predsjednika/ce SDP BiH ili generalnog/e sekretara/ke SDP BiH kraće od dvije godine, ne smatra se mandatom u smislu člana 42. ovog Statuta.

Odredbe ovog člana shodno se primjenjuju na sve nivoe organizovanja u SDP BiH.

Član 75.

Ukoliko se izborom članova/ica Predsjedništva SDP BiH ne osigura odgovarajuća teritorijalna, nacionalna, socijalna, starosna i spolna zastupljenost, Glavni odbor SDP BiH može, sa liste kandidata/kinja za Predsjedništvo SDP BiH, vodeći računa o broju dobijenih glasova na Kongresu SDP BiH, povećati broj članova/ica Predsjedništva SDP BiH, do tri člana u cilju osiguranja odgovarajuće zastupljenosti.

Odredba prethodnog stava shodno se primjenjuje i na sastav predsjedništava svih nivoa organizovanja SDP BiH.

Članovi/ice Predsjedništva SDP BiH i zamjenici/ce predsjednika/ce SDP BiH mogu se zadužiti za određena područja rada.

Član 76.

Prema potrebi, na sjednice Predsjedništva SDP BiH pozivaju se i učestvuju u njegovom radu, bez prava odlučivanja predsjednici/ce kantonalnih, regionalnih i Organizacije Brčko distrikta BiH, potpredsjednici/ce Glavnog odbora SDP BiH, predsjednik/ca Nadzornog odbora SDP BiH, Statutarnog odbora SDP BiH i predsjednici/ce interesnih oblika organizovanja. Odredbe ovog člana shodno se primjenjuju i na organe Predsjedništva svih nivoa organizovanja SDP BiH.

Član 77.

Predsjedništvo SDP BiH:

- provodi Program SDP BiH, odluke i stavove Kongresa SDP BiH, odluke sa kongresnom snagom i odluke Glavnog odbora SDP BiH;
- upravlja SDP BiH između dvije sjednice Glavnog odbora SDP BiH;
- donosi odluke, zauzima stavove o aktuelnim političkim i drugim pitanjima i inicira i učestvuje u izradi zakonskih i drugih projekata od značaja za ostvarivanje programskih ciljeva SDP BiH;
- u hitnim slučajevima može donositi odluke iz nadležnosti Glavnog odbora SDP BiH koje je dužno podnijeti na odobrenje na prvoj narednoj sjednici Glavnog odbora SDP BiH;
- raspravlja o potrebi izmjena Programa i Statuta SDP BiH;
- donosi Pravilnik o organizaciji Sekretarijata na prijedlog generalnog sekretara;

- donosi odluke i opće akte određene ovim Statutom;
- brine o informiranju unutar SDP BiH i donosi odluku o pokretanju internog glasila;
- predlaže Glavnom odboru SDP BiH odluke o provođenju politike upravljanja imovinom SDP BiH;
- donosi Poslovnik o radu;
- predlaže Glavnom odboru SDP BiH Pravilnik o kriterijima i načinu kandidovanja za izbore;
- predlaže Glavnom odboru SDP BiH imenovanje Izbornog štaba;
- predlaže predsjedniku/ci SDP BiH kandidate za kompenzacijske liste za sve nivoe izbora u BiH;
- analizira provođenje izbornih ciljeva i izborne strategije SDP BiH;
- na prijedlog generalnog/e sekretara/ke imenuje Sekretarijat u skladu sa Pravilnikom;
- na prijedlog generalnog/e sekretara/ke i poslovnog/e direktora/ice utvrđuje prijedlog godišnjeg finansijskog plana i izvještaja o finansijskom poslovanju za prethodnu godinu;
- koordinira rad klubova zastupnika/ca SDP BiH i nosilaca funkcija u izvršnoj i zakonodavnoj vlasti Bosne i Hercegovine, Federacije Bosne i Hercegovine i Republike Srpske u cilju ostvarivanja politike SDP BiH, uz učešće predstavnika kantonalnih, regionalnih i Organizacije Brčko distrikta;
- donosi odluke koje nisu u nadležnosti drugih organa SDP BiH;
- podnosi izvještaj Glavnom odboru SDP BiH o svom radu između dvije sjednice Glavnog odbora SDP BiH;
- formira svoja radna tijela u skladu sa Poslovnikom;
- vodi kadrovsku politiku, utvrđuje liste kandidata/kinja SDP BiH za funkcije u zakonodavnoj i izvršnoj vlasti i drugim rukovodećim mjestima koja se popunjavaju po osnovu mandata SDP BiH;
- utvrđuje prijedlog općih i pojedinačnih akata koje donosi Glavni odbor SDP BiH;
- daje saglasnost kantonalnim i regionalnim organizacijama da mogu imenovati povjereništva u lokalnim zajednicama na svom području;
- obavlja i druge poslove u skladu sa Statutom SDP BiH.

Član 78.

Sjednice Predsjedništva SDP BiH održavaju se, u pravilu jednom mjesečno, a saziva ih predsjednik/ca SDP BiH.

U slučaju odsutnosti ili spriječenosti predsjednika/ce SDP BiH, sjednicu saziva jedan od zamjenika/ca predsjednika/ce SDP BiH na način utvrđen Poslovnikom. Predsjedništvo SDP BiH podnosi godišnji izvještaj o svom radu Glavnom odboru SDP BiH.

Član 79.

Ukoliko član/ica Predsjedništva SDP BiH iz neopravdanih razloga ne bude prisutan na tri uzastopne sjednice, Glavni odbor SDP BiH, na prijedlog Predsjedništva SDP BiH može oduzeti mandat navedenom članu/ici dvotrećinskom većinom glasova prisutnih članova/ica.

Predsjednik/ca SDP BiH

Član 80.

Mandat predsjednika/ce SDP BiH traje četiri godine i na tu funkciju može biti izabran najviše dva puta uzastopno.

Obnašanje funkcije kraće od dvije godine ne smatra se mandatom u smislu prethodnog stava. Funkcija predsjednika/ce SDP BiH i funkcija predsjednika/ce bilo kojeg drugog kolektivnog organa u SDP BiH su nespojive.

U slučaju odsutnosti, predsjednika/ce SDP BiH zamjenjuje jedan od zamjenika/ca predsjednika/ce SDP BiH koga ovlasti predsjednik/ca SDP BiH.

Član 81.

Predsjednik/ca SDP BiH:

- rukovodi SDP BiH i stara se o provođenju odluka Kongresa SDP BiH, Glavnog odbora SDP BiH i Predsjedništva SDP BiH;
- predstavlja i zastupa SDP BiH u javnom, političkom životu i pravnom prometu, u skladu sa zakonima, Statutom i Programom SDP BiH;
- osigurava jedinstvo djelovanja svih organa i organizacija SDP BiH;
- ostvaruje komunikaciju sa predsjednicima/cama regionalnih, kantonalnih i Organizacije Brčko distrikta BiH, kao i gradskih i općinskih organizacija radi dogovaranja o mjerama efikasnijeg provođenja politika SDP BiH;
- rukovodi radom Predsjedništva SDP BiH;
- donosi konačnu odluku o sastavu kompenzacijskih lista za sve nivoe izbora u BiH;
- obavlja i druge poslove u skladu sa Statutom SDP BiH;
- u hitnim slučajevima može donijeti odluke iz domena predstavljanja i zastupanja SDP BiH koje se temelje na odlukama i stavovima organa SDP BiH.

Predsjednik/ca SDP BiH, najmanje jednom godišnje, podnosi izvještaj o svom radu Glavnom odboru SDP BiH i članstvu SDP BiH putem kantonalnih, regionalnih i Organizacije Brčko distrikta BiH kao i gradskih i općinskih organizacija SDP BiH.

Član 82.

Predsjednik/ca SDP BiH može prije isteka mandata podnijeti ostavku.

Podnošenjem ostavke saziva se vanredni Kongres za izbor predsjednika/ce SDP BiH, osim u slučaju kada je do kraja mandata ostalo manje od 12 mjeseci.

U slučaju ostavke predsjednika/ce SDP BiH ili ukoliko predsjednik/ca SDP BiH bude višom silom spriječen da obavlja svoju funkciju, Glavni odbor SDP BiH određuje jednog od zamjenika/ca predsjednika/ce SDP BiH za vršioca/teljicu dužnosti predsjednika/ce SDP BiH do izbora predsjednika/ce SDP BiH u skladu sa ovim Statutom.

Odredbe prethodnih stavova shodno se primjenjuju i na predsjednike/ce kantonalnih, regionalnih i Organizacije Brčko distrikta BiH kao i općinskih i gradskih organizacija SDP BiH.

Član 83.

Predsjednik/ca SDP BiH obavezno podnosi ostavku u slučaju kada SDP BiH na općim ili lokalnim izborima izgubi više od 50 posto glasova od najboljeg ostvarenog rezultata koje je SDP BiH ostvario na prethodnim općim ili lokalnim izborima.

U slučaju iz prethodnog stava, Glavni odbor SDP BiH određuje jednog od zamjenika/ca predsjednika/ce SDP BiH za vršioca/teljicu dužnosti predsjednika/ce SDP BiH do narednih redovnih izbora.

Odredbe prethodnih stavova shodno se primjenjuju i na predsjednike/ce kantonalnih, regionalnih i Organizacije Brčko distrikta BiH kao i općinskih i gradskih organizacija SDP BiH za slučaj gubitka više od 50 posto glasova od najboljeg ostvarenog rezultata na nivou kantona, regije, Brčko distrikta BiH, odnosno općine, grada na općim ili lokalnim izborima u odnosu na prethodne izbore.

Član 84.

Predsjednik/ca SDP BiH može biti opozvan sa funkcije prije isteka mandata, a inicijativu za opoziv prije isteka mandata mogu podnijeti najmanje:

- 1/2 općinskih i gradskih organizacija,
- 1/2 kantonalnih, regionalnih i Organizacije Brčko distrikta BiH,
- 50 posto članova/ica Glavnog odbora SDP BiH.

Inicijativa iz prethodnog stava se podnosi Glavnom odboru SDP BiH u pisanom obliku s argumentiranim obrazloženjem razloga za opoziv predsjednika/ce SDP BiH prije isteka mandata.

O prihvatanju inicijative za opoziv predsjednika/ce SDP BiH potrebno je da glasa najmanje 2/3 ukupnog broja članova/ica Glavnog odbora SDP BiH koji prisustvuju sjednici.

O opozivu sa funkcije predsjednika/ce SDP BiH prije isteka mandata, izjašnjavaju se svi članovi/ice SDP BiH na referendumu koji će se održati najkasnije 60 dana od donošenja odluke Glavnog odbora SDP BiH.

Valjanost rezultata referenduma utvrđuje se primjenom odredaba člana 33. ovog Statuta.

Član 85.

U slučaju izglasavanja opoziva predsjedniku/ci SDP BiH, Glavni odbor SDP BiH donosi odluku o održavanju vanrednog Kongresa SDP BiH u roku od 30 dana od dana održavanja referenduma, koji se mora održati najduže u roku od 30 dana od dana donošenja odluke o održavanju vanrednog Kongresa SDP BiH, osim u slučaju kada je do kraja mandata ostalo manje od 12 mjeseci, kada Glavni odbor SDP BiH određuje jednog od zamjenika/ca predsjednika/ce SDP BiH za vršioca/teljicu dužnosti predsjednika/ce SDP BiH do održavanja redovnih izbora.

Mandat predsjedniku/ci SDP BiH izabranom na prijevremenim izborima traje do potvrđivanja rezultata narednih redovnih izbora za predsjednika/cu SDP BiH.

U slučaju neizglasavanja opoziva predsjedniku/ci SDP BiH, Glavni odbor SDP BiH je dužan donijeti odluku o održavanju vanrednog Kongresa SDP BiH u roku od 30 dana od dana održavanja referenduma, koji se mora održati najduže u roku od 30 dana od dana donošenja odluke o održavanju vanrednog Kongresa SDP BiH.

Odredbe stavova 1, 2. i 3. ovog člana shodno se primjenjuju i na predsjednike/ce kantonalnih, regionalnih i Organizacije Brčko distrikta BiH, kao i općinskih i gradskih organizacija SDP BiH.

Zamjenici/ce predsjednika/ce SDP BiH

Član 86.

SDP BiH ima tri zamjenika/ce predsjednika/ce SDP BiH, koje bira Glavni odbor SDP BiH iz reda svojih članova/ica, tajnim glasanjem između više kandidata/kinja, natpolovičnom većinom glasova ukupnog broja članova/ica Glavnog odbora SDP BiH, vodeći računa o entitetskoj, nacionalnoj, spolnoj i starosnoj strukturi.

Ako kandidati/kinje za poziciju zamjenika/ce predsjednika/ce SDP BiH ne dobiju kvalifikovanu većinu, izbor se ponavlja između ostalih kandidata/kinja. U drugom krugu glasanja, izabrani su oni kandidati/kinje koji dobiju veći broj glasova, u skladu s kriterijima iz stava 1. ovog člana.

Član 87.

Mandat izabranih zamjenika/ca predsjednika/ce SDP BiH je četiri godine.

U slučaju da Glavni odbor SDP BiH izglasa nepovjerenje zamjenicima/cama predsjednika/ce SDP BiH ili u slučaju podnošenja ostavke, Glavni odbor SDP BiH će izvršiti izbor nedostajućeg broja zamjenika/ca predsjednika/ce SDP BiH.

U slučaju iz predhodnog stava, mandat zamjenika/ca predsjednika/ce SDP BiH traje najduže do isteka mandata Glavnog odbora SDP BiH.

Obnašanje funkcije zamjenika/ce predsjednika/ce SDP BiH kraće od dvije godine ne smatra se mandatom u smislu člana 42. ovog Statuta.

Nadzorni odbor SDP BiH

Član 88.

Nadzorni odbor SDP BiH broji jedanaest članova/ica, koje bira Kongres SDP BiH na period od četiri godine, vodeći računa o teritorijalnoj, nacionalnoj, spolnoj i starosnoj strukturi kao i odgovarajućoj stručnoj spremi i radnom iskustvu.

Nadzorni odbor SDP BiH na prvoj sjednici bira predsjednika/cu i potpredsjednika/cu Nadzornog odbora SDP BiH. Do izbora predsjednika/ce, Nadzornim odborom SDP BiH predsjedava najstariji član/ica Nadzornog odbora.

Članovi/ice Nadzornog odbora SDP BiH ne mogu istovremeno biti članovi/ice nijednog drugog organa SDP BiH na istom nivou organizovanja.

Odluke Nadzornog odbora SDP BiH su obavezni provoditi organi SDP BiH na koje se iste odnose.

Način rada Nadzornog odbora SDP BiH bliže se uređuje Poslovníkom o radu.

Član 89.

Informaciju o vlastitom radu Nadzorni odbor SDP BiH, najmanje jednom godišnje, upućuje Glavnom odboru SDP BiH i članstvu SDP BiH putem kantonalnih, regionalnih i Organizacije Brčko distrikta BiH kao i gradskih i općinskih organizacija SDP BiH.

Izveštaj o svom radu za mandatni period, Nadzorni odbor podnosi Kongresu SDP BiH.

Član 90.

Nadzorni odbor SDP BiH:

- nadzire finansijsko poslovanje SDP BiH u skladu sa zakonom;
- prati prikupljanje i trošenje članarine;
- priprema godišnje finansijske planove i izvještaje SDP BiH u saradnji sa generalnim/om sekretarom/kom i poslovníkom/om direktorom/icom;
- prati planiranje i realizaciju finansijskih planova izbornih kampanja i zakonitost utroška;
- prati stanje imovine i predlaže njenu upotrebu i status;
- prati zakup poslovníh i stambenih prostora, njihovo namjensko korištenje i odnose prema zakupodavcima odnosno zakupcima.

U slučaju prestanka mandata članu/ici Nadzornog odbora, na njegovo mjesto se kooptira sljedećeg kandidata/kinju sa izborne liste. U slučaju da na listi nema više kandidata/kinja, Glavni odbor može kooptirati nedostajućeg člana/icu Nadzornog odbora SDP BiH. Odredbe ovog člana shodno se primjenjuju i na niže oblike organizovanja SDP BiH.

Statutarni odbor SDP BiH

Član 91.

Statutarni odbor SDP BiH broji sedam članova/ica koje bira Kongres SDP BiH na period od četiri godine, vodeći računa o teritorijalnoj, nacionalnoj, spolnoj i starosnoj strukturi.

Prilikom izbora članova/ica Statutarnog odbora vodit će se računa da se biraju iz reda uglednih stručnjaka iz oblasti pravne struke, da imaju političko iskustvo, ugled i uživaju povjerenje u matičnoj organizaciji SDP BiH.

Statutarni odbor SDP BiH na prvoj sjednici bira predsjednika/cu i potpredsjednika/cu Statutarnog odbora SDP BiH. Do izbora predsjednika/ce, Statutarnim odborom SDP BiH predsjedava najstariji član/ica Statutarnog odbora SDP BiH.

Članovi/ice Statutarnog odbora SDP BiH ne mogu istovremeno biti članovi nijednog drugog organa SDP BiH na istom nivou organizovanja SDP BiH.

Odluke Statutarnog odbora SDP BiH su obavezni da provode organi SDP BiH na koje se iste odnose.

Način rada Statutarnog odbora SDP BiH bliže se uređuje Poslovníkom o radu.

Odluke Statutarnog odbora SDP BiH su konačne i obvezujuće.

Član 92.

Informaciju o radu Statutarni odbor SDP BiH, najmanje jednom godišnje, upućuje Glavnom odboru SDP BiH i članstvu SDP BiH putem kantonalnih, regionalnih i Organizacije Brčko distrikta BiH kao i gradskih i općinskih organizacija SDP BiH.

Izvještaj o svom ukupnom radu za mandatni period, Statutarni odbor SDP BiH podnosi Kongresu SDP BiH.

Član 93.

Statutarni odbor SDP BiH:

- postupa na inicijativu člana/ice, organa ili na sopstvenu inicijativu
- daje mišljenje Glavnom odboru SDP BiH za tumačenje Statuta;
- ocjenjuje statutarnost odluka i drugih akata organa SDP BiH;
- učestvuje u pripremi izrade Statuta i izmjena i dopuna Statuta SDP;
- odlučuje o žalbama u drugom stepenu na odluke o isključenju i brisanju iz evidencije;

- odlučuje po zahtjevu za preispitivanje statutarnosti konačnih odluka o osporavanju prijema u članstvo SDP BiH;
- obavlja druge poslove i zadatke po odredbama ovog Statuta i odlukama Kongresa SDP BiH i Glavnog odbora SDP BiH.

Kada utvrdi povrede Statuta SDP BiH, Statutarni odbor SDP BiH će naložiti njihovo uklanjanje. Odredbe prethodnog stava se odnose i na niže nivoe organizovanja SDP BiH.

U slučaju prestanka mandata članu/ici Statutarnog odbora SDP BiH, na njegovo mjesto se kooptira sljedećeg kandidata/kinju sa izborne liste. U slučaju da na listi nema više kandidata/kinja, Glavni odbor SDP BiH može kooptirati nedostajućeg člana/icu Statutarnog odbora SDP BiH.

Odluke Statutarnog odbora SDP BiH su konačne.

Sud časti SDP BiH

Član 94.

Glavni odbor SDP BiH bira Sud časti SDP BiH iz reda istaknutih članova/ica SDP BiH, a koji su svojim radom dali značajan doprinos afirmaciji društvenih i moralnih vrijednosti.

Sud časti predlaže Glavnom odboru SDP BiH etički kodeks i prati njegovo provođenje.

Način rada Suda časti SDP BiH će se urediti odlukom Glavnog odbora SDP BiH.

Generalni/na sekretar/ka SDP BiH

Član 95.

Generalnog/u sekretara/ku SDP BiH (u daljem tekstu: generalni/a sekretar/ka) bira Glavni odbor SDP BiH iz reda svojih članova/ica, tajnim glasanjem, u pravilu između više kandidata, natpolovičnom većinom glasova ukupnog broja članova, na period od četiri (4) godine.

U slučaju da Glavni odbor SDP BiH izglasa nepovjerenje generalnom/oj sekretaru/ki, u slučaju podnošenja ostavke ili u slučaju nemogućnosti obavljanja funkcije iz drugih razloga, Glavni odbor SDP BiH će izvršiti ponovni izbor.

U slučaju iz prethodnog stava, mandat generalnog/e sekretara/ke SDP BiH traje najduže do isteka mandata Glavnog odbora SDP BiH.

Član 96.

Generalni sekretar SDP BiH:

- rukovodi sekretarijatom, brine o organizaciji rada i stručnom i operativnom izvršavanju poslova i zadataka SDP BiH;

- stara se o političkom i organizacionom jačanju i osposobljavanju organizacija i interesnih-političkih oblika organizovanja SDP BiH;
- predlaže Predsjedništvu SDP BiH imenovanje članova Sekretarijata;
- pomaže predsjednicima/cama organa SDP BiH u sazivanju sjednica i organizaciji rada;
- brine se i odgovoran je za izvršavanje odluka Predsjedništva SDP BiH, Glavnog odbora SDP BiH, Nadzornog odbora SDP BiH i Statutarnog odbora SDP BiH;
- usklađuje rad općinskih, gradskih, kantonalnih, regionalnih i Organizacije Brčko distrikta BiH;
- prema potrebi saziva koordinaciju sekretara/ki kantonalnih, regionalnih i Organizacije Brčko distrikta BiH;
- usklađuje rad savjeta i interesno-političkih oblika organizovanja organiziranih na nivou SDP BiH i brine se o obezbjeđenju materijalnih, finansijskih i tehničkih uslova za njihovo djelovanje;
- provodi zaključke Glavnog odbora SDP BiH i Nadzornog odbora SDP BiH u pogledu sticanja, čuvanja, zaštite i raspolaganja imovine SDP BiH;
- obavlja i druge poslove u skladu sa Statutom SDP BiH i odlukama organa SDP BiH.

Generalni sekretar SDP BiH za svoj rad odgovara Glavnom odboru SDP BiH, Predsjedništvu SDP BiH i predsjedniku/ci SDP BiH.

Politički/a direktor/ica SDP BiH

Član 97.

Politički/a direktor/ica SDP BiH:

- prati ostvarivanje osnovnih principa organizacionog i političkog djelovanja organa i organizacija i interesno-političkih oblika organizovanja i drugih oblika političkog djelovanja, te predlaže Predsjedništvu SDP BiH mjere i aktivnosti za unapređenje stanja;
- prati ostvarivanje programskih političkih ciljeva i predlaže Predsjedništvu SDP BiH mjere za intenziviranje političkih aktivnosti;
- prati stanje unutarpartijskih odnosa i predlaže mjere za unapređenje stanja;
- prati stanje javnog mnijenja i predlaže mjere za preoblikovanje mnijenja na socijaldemokratskim principima slobode, jednakosti, pravde i solidarnosti;
- prati politički rejting političkih protivnika i priprema polazne elemente za projekciju realnih izbornih ciljeva;
- obavlja druge poslove u skladu sa Statutom BiH i odlukama organa SDP BiH.

Sekretarijat SDP BiH

Član 98.

Sekretarijat SDP BiH je izvršno i stručno-operativno tijelo SDP BiH, a njegovim radom rukovodi generalni/a sekretar/ka SDP BiH.

Član 99.

Sekretarijat SDP BiH čine generalni/a sekretar/ka i sekretari/ke zaduženi za pojedina područja rada. Odluku o broju članova/ica sekretarijata SDP BiH, kao i o djelokrugu njihovog rada, na prijedlog generalnog/e sekretara/ke SDP BiH, donosi Predsjedništvo SDP BiH.

Članovi/ice sekretarijata SDP BiH mogu dužnost obavljati profesionalno, o čemu odluku donosi Predsjedništvo SDP BiH.

Član 100.

Radnici/ce u SDP BiH čine Radnu zajednicu SDP BiH. Odnosi unutar Radne zajednice utvrđuju se općim aktima: standardima, normativima i pravilnicima, koje na osnovu pozitivnih propisa i Statuta SDP BiH, na prijedlog poslovnog/e direktora/ice, donosi Predsjedništvo SDP BiH.

Član 101.

SDP BiH ima poslovnog/u direktora/icu koji rukovodi Radnom zajednicom SDP BiH.

Poslovni/a direktor/ica za svoj rad odgovara Predsjedništvu SDP BiH i Glavnom odboru SDP BiH.

Po funkciji, poslovni/a direktor/ica je ovlaštena osoba za podnošenje finansijskih izvještaja Centralnoj izbornoj komisiji Bosne i Hercegovine, uz pribavljeno mišljenje Nadzornog odbora SDP BiH.

Poslovni/a direktor/ica brine o ostvarivanju prihoda i o rashodima SDP BiH, vodi brigu o radno-pravnom statusu radnika/ica, odgovara i brine o realizaciji finansijskih planova, te obavlja druge poslove iz djelokruga rada Radne zajednice i postupa po odlukama Predsjedništva SDP BiH.

Član 102.

Poslovni/a direktor/ica sa generalnim sekretarom SDP BiH i u saradnji sa Nadzornim odborom SDP BiH, izrađuje godišnji finansijski plan i godišnji finansijski izvještaj SDP BiH.

Godišnji finansijski plan SDP BiH obuhvata finansiranje djelovanja svih organa i interesno-političkih oblika organizovanja na svim nivoima organizovanja SDP BiH.

Prijedlog Godišnjeg finansijskog plana SDP BiH utvrđuje Predsjedništvo SDP BiH i dostavlja Glavnom odboru SDP BiH na usvajanje.

Član 103.

Odluku o sticanju, otuđenju i opterećenju imovine SDP BiH, prije zaključivanja odgovarajućeg ugovora, donosi Glavni odbor SDP BiH na prijedlog Predsjedništva SDP BiH.

Konvencija SDP BiH

Član 104.

Glavni odbor SDP BiH donosi odluku o mjestu i vremenu održavanja programske, promotivne ili izvještajne Konvencije SDP BiH i utvrđuje broj delegata/kinja iz kantonalnih, regionalnih i Organizacije Brčko distrikta BiH, kao i općinskih i gradskih organizacija SDP BiH.

Član 105.

Programska konvencija SDP BiH raspravlja o temeljnim pitanjima koja se odnose na Bosnu i Hercegovinu i SDP BiH.

Promotivna konvencija SDP BiH održava se povodom predstavljanja kandidata SDP BiH na izborima za sve nivoe vlasti.

Izvještajna konvencija SDP BiH se održava povodom upoznavanja članstva sa radom Glavnog odbora SDP BiH, Predsjedništva SDP BiH, Nadzornog odbora SDP BiH, Statutarnog odbora SDP BiH i predsjednika/ce SDP BiH.

Konvencija nema nadležnost izmjena Programa i Statuta SDP BiH i donošenja odluka iz nadležnosti Kongresa SDP BiH.

Konvencija može donositi odluke iz nadležnosti Glavnog odbora SDP BiH.

Član 106.

Delegati Konvencije SDP BiH čine:

- predsjednik/ca SDP BiH;
- predsjednici/ce kantonalnih, regionalnih i Organizacije Brčko distrikta BiH;
- članovi/ice Glavnog odbora SDP BiH, Nadzornog odbora SDP BiH i Statutarnog odbora SDP BiH;
- delegati/kinje kantonalnih, regionalnih i Organizacije Brčko distrikta BiH kao i općinskih i gradskih organizacija SDP BiH, čiji se broj određuje Odlukom Glavnog odbora SDP BiH o sazivanju Konvencije;
- nosioci najviših zakonodavnih i izvršnih funkcija u Bosni i Hercegovini i entitetima;

- delegati formiranih interesno-političkih oblika organizovanja SDP BiH čiji se broj određuje Odlukom Glavnog odbora SDP BiH o sazivanju Konvencije;
 - drugi učesnici, zavisno od teme koju Konvencija SDP BiH razmatra.
- Odredbе ovog člana shodno se primjenjuju i na konvencije SDP BiH svih nivoa organizovanja SDP BiH.

Član 107.

Svečana Konvencija SDP BiH održava se povodom obilježavanja značajnih datuma i događaja u Bosni i Hercegovini. Mjesto, vrijeme i učesnike svečane Konvencije SDP BiH svojom odlukom određuje Predsjedništvo SDP BiH.

Član 108.

Kantonalni, regionalni i Odbor Brčko distrikta SDP BiH donosi odluku o mjestu i vremenu održavanja konvencije na nivou svoje organizacije SDP BiH. Općinski i gradski odbor donosi odluku o mjestu i vremenu održavanja konvencije na nivou svoje organizacije SDP BiH.

Teritorijalna organizacija SDP BiH

Član 109.

Članstvo SDP BiH teritorijalno se organizira u sljedeće osnovne oblike:

- Socijaldemokratska partija Bosne i Hercegovine;
- Kantonalna, regionalna i Organizacija Brčko distrikta SDP BiH;
- Općinska odnosno gradska organizacija SDP BiH;
- Osnovna organizacija SDP BiH.

U mjestima, općinama i gradovima, te kantonima, regijama ili Brčko distriktu BiH, gdje nisu formirane organizacije SDP BiH, djeluju povjerenici, odnosno povjerenstva SDP BiH.

KANTONALNA, REGIONALNA I ORGANIZACIJA BRČKO DISTRIKT BiH

Organizovanje i organi

Član 110.

Kantonalne, regionalne i Organizacija Brčko distrikta BiH (u daljem tekstu: KO/RO/OBD) je oblik povezivanja i organizovanja članstva i organizacija SDP BiH u kantonu, odnosno izbornoj jedinici u entitetu Republika Srpska i Brčko distriktu BiH.

Područje KO/RO/OBD obuhvata, u pravilu, administrativnu ili izbornu jedinicu u Bosni i Hercegovini.

Izuzetno, Glavni odbor SDP BiH može osnovati kantonalnu ili regionalnu organizaciju i na području dva ili više kantona ili izbornih jedinica, kao i na području dvije ili više općina sa obje strane entitetske linije.

KO/RO/OBD osniva se odlukom Glavnog odbora SDP BiH i djeluje na osnovu ovlaštenja u skladu sa Statutom SDP BiH i nema svojstvo pravnog lica.

Član 111.

Organi KO/RO/OBD SDP BiH su:

- Konferencija;
- Kantonalni, regionalni odnosno Odbor OBD;
- Nadzorni odbor;
- Predsjedništvo;
- predsjednik/ca.

Konferencija KO/RO/OBD SDP BiH

Član 112.

Konferenciju kantonalne, regionalne i Organizacije Brčko distrikta BiH SDP BiH, sačinjavaju delegati/kinje po funkciji i delegati/kinje koji su tajnim glasanjem izabrani u općinskim i gradskim organizacijama SDP BiH na predstavničkom načelu, srazmjerno najboljem izbornom rezultatu na posljednjim održanim izborima u kantonu, regiji, odnosno Brčko distriktu BiH i broju članova općinskih i gradskih organizacija, s tim da svaka općinska i gradska organizacija mora biti zastupljena s najmanje dva delegata/kinje.

Delegati/kinje Konferencije po funkciji su članovi/ice u skladu sa članom 47. Statuta SDP BiH.

Konferenciju Organizacije SDP BiH Brčko distrikta BiH sačinjavaju delegati/kinje po funkciji i delegati/kinje, koji su tajnim glasanjem izabrani u osnovnim organizacijama SDP BiH na predstavničkom načelu, srazmjerno najboljem izbornom rezultatu na posljednjim održanim izborima za Skupštinu Brčko distrikta BiH i broju članova osnovnih organizacija Organizacije Brčko distrikta BiH, s tim da svaka osnovna organizacija SDP BiH mora biti zastupljena s najmanje dva delegata/kinje.

Delegati/kinje Konferencije po funkciji su članovi/ice u skladu sa članom 47. Statuta SDP BiH.

Član 113.

Konferencija može biti izvještajna i izborna.

Izvještajna konferencija se održava jednom godišnje. Izborna konferencija se održava jednom u četiri godine, najkasnije 60 dana od dana kada ističe mandat organima SDP BiH izabranim na prethodnoj izbornoj Konferenciji SDP BiH.

Odluku o održavanju izborne Konferencije donosi kantonalni, regionalni, odnosno Odbor Organizacije SDP BiH Brčko distrikta BiH.

Odlukom iz prethodnog stava se određuje prijedlog dnevnog reda Konferencije način izbora i broj delegata. Konferenciju saziva i rukovodi njenim radom, do izbora Radnog rukovodstva, predsjednik/ca KO/RO/OBD.

Odluka kantonalnog, regionalnog odnosno odbora Organizacije Brčko distrikta BiH, sadrži pravila o izboru i broju delegata/kinja Konferencije, prijedlog dnevnog reda, te teme i izvještaje za Konferenciju.

Član 114.

Konferencija KO/RO/OBD SDP BiH:

- bira tajnim glasanjem na period od četiri godine, predsjednika/cu KO/RO/OBD SDP BiH, članove/ice kantonalnog, regionalnog odnosno Odbora OBD BiH i Nadzorni odbor;
- donosi Poslovnik o radu;
- raspravlja i odlučuje o izvještaju o radu predsjednika/ce organizacije i organa koje bira;
- u slučaju potrebe odlučuje o povjerenju predsjedniku/ci i izabranim članovima organa KO/RO/OBD;
- zauzima političke stavove iz nadležnosti kantona, regije odnosno Brčko distrikta BiH i donosi zaključke o drugim važnim pitanjima za kanton, regiju, odnosno Brčko distrikt BiH, kao i o pitanjima vezanim za SDP BiH na području kantona, regije, odnosno Brčko distrikta BiH.

Član 115.

Konferencije kantonalnih i regionalnih organizacija SDP BiH, tajnim glasanjem između više kandidata/kinja koji su predloženi od osnovnih, interesno-političkih oblika organizovanja, općinskih i gradskih organizacija, kantonalnog, odnosno regionalnog odbora ili su se samokandidovali, bira kantonalni odnosno regionalni odbor, srazmjerno broju članova SDP BiH u općinskim i gradskim organizacijama SDP BiH, vodeći računa o nacionalnoj, spolnoj, socijalnoj i starosnoj strukturi, s tim da svaka općinska i gradska organizacija SDP BiH mora biti zastupljena sa najmanje jednim članom/icom.

Broj članova/ica kantonalnog, regionalnog kao i Odbora Brčko distrikta BiH utvrđuje se Odlukom o organizovanju kantonalne ili regionalne organizacije i odlukom o sazivanju Konferencije. Konačna lista kandidata za kantonalni, regionalni i Odbor Organizacije Brčko

distrikta BiH i Nadzorni odbor SDP BiH utvrđuje se na sjednici kantonalnog, regionalnog odnosno Odbora Organizacije Brčko distrikta, prije održavanja Konferencije, a verifikacija tih listi se vrši na samoj izbornoj Konferenciji.

Konferencija SDP BiH Organizacije Brčko distrikta BiH, tajnim glasanjem između više kandidata/kinja koji su predloženi od osnovnih organizacija, interesno-političkih oblika organizovanja ili su se samokandidovali, bira Odbor Organizacije Brčko distrikta BiH srazmjerno broju članova/ica SDP BiH osnovnih organizacija Organizacije Brčko distrikta BiH, vodeći računa o nacionalnoj, spolnoj, socijalnoj i starosnoj strukturi, s tim da svaka osnovna organizacija Organizacije Brčko distrikta BiH mora biti zastupljena sa najmanje jednim članom/icom.

Broj članova/ica Odbora Organizacije Brčko distrikta BiH, utvrđuje se Odlukom o organizovanju Organizacije SDP BiH Brčko distrikta BiH i odlukom o sazivanju Konferencije ODB BiH.

Na postupak izbora članova kantonalnog, regionalnog odnosno Odbora Organizacije Brčko distrikta BiH, kooptiranje i povećanje broja članova/ica kantonalnog, regionalnog odnosno Odbora organizacije Brčko distrikta BiH, primjenjivat će se odgovarajuće odredbe ovog Statuta koje se odnose na izbor, kooptiranje i povećanje broja članova/ica Glavnog odbora SDP BiH.

Kantonalni, regionalni i Odbor Organizacije Brčko distrikta BiH

Član 116.

Kantonalni, regionalni i Odbor Organizacije Brčko distrikta BiH čine:

- izabrani članovi/ice;
- članovi/ice po funkciji;
- kooptirani članovi/ice po odluci kantonalnog, regionalnog odnosno Odbora Organizacije Brčko distrikta BiH i
- članovi/ice po odluci o povećanju broja članova/ica kantonalnog, regionalnog odnosno Odbora Organizacije Brčko distrikta BiH.

Članovi/ice kantonalnog, regionalnog i Odbora Organizacije Brčko distrikta BiH po funkciji su predsjednici/ce općinskih i gradskih organizacija, predsjednici/ce interesno-političkih oblika organizovanja i savjeta KO/RO/ODB, ukoliko nisu članovi/ice kantonalnog, regionalnog odnosno Odbora Organizacije Brčko distrikta BiH po drugom osnovu.

Na sjednice kantonalnog, regionalnog odnosno Odbora Organizacije Brčko distrikta BiH se obavezno pozivaju i učestvuju u radu, bez prava odlučivanja, ukoliko nisu članovi kantonalnog, regionalnog odnosno Odbora Organizacije Brčko distrikta BiH: premijer/ka i ministri/ce u vladi kantona, šefovi/ice odjeljenja u Vladi Brčko distrikta BiH, načelnici/ce i gradonačelnici/ce općina i gradova, članovi/ice Glavnog odbora SDP BiH, članovi/ice SDP BiH koji obavljaju funkciju člana/ice Predsjedništva BiH, predsjednika/ce i potpredsjednika/ce Federacije Bosne i Hercegovine ili Republike Srpske, poslanici/ce u Parlamentarnoj skupštini Bosne i Hercegovine, Parlamentu Federacije BiH, Narodnoj skupštini Republike Srpske i Vijeću naroda Republike Srpske, članovi/ice Vijeća ministara Bosne i Hercegovine, članovi/ice Vlade

Federacije Bosne i Hercegovine i članovi/ice Vlade Republike Srpske koji žive na području kantonalne, regionalne ili Organizacije Brčko distrikta BiH.

Član 117.

Kantonalni, regionalni i Odbor Organizacije Brčko distrikta BiH:

- rukovodi i upravlja organizacijom između dvije Konferencije i sastaje se najmanje jednom u dva mjeseca;
- provodi Program i Statut, odluke organa SDP BiH i odluke donesene na osnovu rezultata referenduma;
- razmatra rezultate ankete;
- donosi Poslovnik o svome radu;
- bira i razrješava Predsjedništvo, potpredsjednike/ce i sekretara/ku organizacije iz reda izabраниh članova odbora;
- pokreće pitanje povjerenja predsjedniku/ci, Predsjedništvu, potpredsjednicima/cama i sekretaru/ki kantonalne, regionalne odnosno Organizacije Brčko distrikta BiH;
- donosi godišnji plan rada i razmatra i usvaja izvještaj o realizaciji;
- dvotrećinskom većinom od ukupnog broja članova donosi odluku o nepovjerenju predsjedniku/ci kantonalne, regionalne odnosno Organizacije Brčko distrikta BiH;
- podstiče i koordinira aktivnost i saradnju općinskih i gradskih organizacija;
- objedinjava i prosljeđuje prijedloge gradskih i općinskih odbora, odnosno osnovnih organizacija za kandidate/kinje za organe SDP BiH, a može i predlagati kandidate/kinje za organe SDP BiH;
- tajnim glasanjem između više samokandidovanih, evidentiranih i predloženih kandidata u općinskim i gradskim, kantonalnim i regionalnim i Organizaciji Brčko distrikta BiH, utvrđuje prijedlog listi kandidata/kinja za zastupnike/ce SDP BiH u Parlamentarnoj skupštini BiH, Parlamentu Federacije BiH, Narodnoj skupštini Republike Srpske i Vijeću naroda Republike Srpske, kao i prijedlog kandidata/kinja za organe izvršne vlasti na državnom i entitetskom nivou, te ih dostavlja Glavnom odboru SDP BiH na konačno utvrđivanje;
- utvrđuje kandidate/kinje SDP BiH za kantonalne skupštine i Skupštinu Brčko distrikta BiH i za organe izvršne vlasti u kantonu i Brčko distriktu BiH na temelju prijedloga iz općinskih i gradskih, odnosno osnovnih organizacija i samokandidatura članova/ica, tajnim glasanjem između više kandidata/kinja, u skladu sa članom 59. Statuta i izbornim zakonodavstvom BiH;
- imenuje izborni štab;
- zauzima političke stavove o pitanjima iz nadležnosti kantona, regije i Brčko distrikta BiH;
- donosi odluku o organiziranju kantonalne, regionalne i Organizacije Brčko distrikta SDP BiH;
- mogu imenovati povjereništva u lokalnim zajednicama na svom području, uz saglasnost Predsjedništva SDP BiH;

- najmanje jednom godišnje razmatra rad zastupnika/ca SDP BiH u skupštini kantona i Brčko distrikta BiH i predstavnika/ca SDP BiH u izvršnoj vlasti kantona, odnosno Brčko distrikta BiH, organa koje bira Konferencija, te o tome zauzima stavove i donosi odluke;
- najmanje jednom godišnje analizira rad općinskih i gradskih, odnosno osnovnih organizacija i interesno-političkih oblika organizovanja kantonalne, regionalne i Organizacije Brčko distrikta BiH;
- razmatra i određuje se prema stavovima, prijedlozima i inicijativama koje dolaze iz savjeta, odbora i interesno-političkih oblika organizovanja, na prvoj sjednici po dobijanju stavova, prijedloga i inicijativa;
- obavlja druge nadležnosti propisane Statutom i odlučuje o pitanjima koja nisu u nadležnosti drugih organa kantonalne, regionalne odnosno Organizacije Brčko distrikta BiH.

Član 118.

Predsjednik/ca KO/RO/OBD saziva Konstituirajuću sjednicu kantonalnog, regionalnog odnosno Odbora Organizacije Brčko distrikta BiH najkasnije u roku od 30 dana, od dana održavanja Konferencije.

U cilju osiguranja jedinstvenog djelovanja SDP BiH, kantonalni, regionalni i Odbor Organizacije Brčko distrikta BiH je dužan svoje političke stavove i zaključke temeljiti na Programu, Statutu i stavovima Glavnog odbora SDP BiH.

Kantonalni, regionalni i Odbor Organizacije Brčko distrikta BiH pri utvrđivanju svojih stavova, donošenju političkih odluka i zaključaka, obavezan je razmotriti prijedloge i sugestije općinskih i gradskih odbora, odnosno osnovnih organizacija.

Član 119.

Kantonalni, regionalni i Odbor Organizacije Brčko distrikta radi u sjednicama, koje mogu biti redovne i hitne, a po potrebi se mogu održavati svečane i komemorativne, što se reguliše poslovníkom.

Član 120.

Sjednice kantonalnog, regionalnog i Odbora Organizacije Brčko distrikta BiH, održavaju se u pravilu najmanje jednom u dva mjeseca. Sjednice saziva predsjednik/ca KO/RO/OBD, a u slučaju njegove spriječenosti jedan od potpredsjednika/ca, kojeg ovlasti predsjednik/ca KO/RO/OBD.

Na zahtjev Predsjedništva KO/RO/OBD ili 1/3 članova/ica odbora KO/RO/OBD, predsjednik/ca KO/RO/OBD je dužan sazvati hitnu sjednicu odbora KO/RO/OBD i na dnevni red staviti pitanja koja su podnositelji/ce zahtjeva tražili.

Ukoliko predsjednik/ca KO/RO/OBD ne sazove sjednicu u roku od 20 dana, sjednicu saziva ovlašteni predstavnik/ca podnositelja/ca zahtjeva, koji predlaže dnevni red i predsjedava sjednicom.

Član 121.

Kantonalni, regionalni i Odbor Organizacije Brčko distrikta BiH punovažno odlučuje ako sjednici prisustvuje većina članova/ica, a odluke donosi natpolovičnom većinom prisutnih članova/ica, izuzev odluka za koje je Statutom utvrđeno drugačije.

Član 122.

Ukoliko član/ica kantonalnog, regionalnog i Odbora Organizacije Brčko distrikta BiH neopravdano odsustvuje sa tri uzastopne sjednice, kantonalni, regionalni i Odbor Organizacije Brčko distrikta BiH može oduzeti mandat navedenom članu/ici dvotrećinskom većinom glasova.

Predsjedništvo KO/RO/OBD

Član 123.

Predsjedništvo KO/RO/OBD je izvršno-politički organ koji rukovodi KO/RO/OBD između dvije sjednice odbora KO/RO/OBD.

Predsjedništvo KO/RO/OBD, čine članovi/ce koje bira odbor KO/RO/OBD na svojoj konstituirajućoj sjednici i članovi/ice po funkciji.

Članovi/ice po funkciji su nosioci/teljice najviših zakonodavnih i izvršnih funkcija u kantonu, regiji odnosno Brčko distriktu BiH.

Broj potpredsjednika/ca i broj članova/ica Predsjedništva KO/RO/OBD, određuje se odlukom o organizovanju KO/RO/OBD.

Na sastav, postupak izbora, trajanje i način prestanka mandata, kooptiranje i povećanje broja članova/ica Predsjedništva i potpredsjednika/ca KO/RO/OBD, primjenjivat će se odgovarajuće odredbe Statuta koje se odnose na Predsjedništvo SDP BiH.

Član 124.

Predsjedništvom KO/RO/OBD rukovodi predsjednik/ca KO/RO/OBD.

Predsjednik/ca, potpredsjednici/ce i sekretar/ka KO/RO/OBD mogu u isto vrijeme biti predsjednici/ce, potpredsjednici/ce ili sekretari/ke organizacija ili interesno-političkih oblika organizovanja na bilo kojem nivou organizovanja.

Član 125.

Predsjedništvo KO/RO/OBD:

- donosi program rada i poslovnik o radu;
- utvrđuje prijedlog političkih ocjena i političkih stavova;
- prati i koordinira provođenje odluka i stavova viših organa SDP BiH;
- podstiče stranačko i interesno organizovanje članova/ica i obezbjeđuje uslove za njihovo djelovanje;
- koordinira aktivnosti općinskih, gradskih, odnosno osnovnih organizacija na području kantona, regije, odnosno Brčko distrikta BiH;
- organizira i provodi kampanju na području kantona, regije, odnosno Brčko distrikta BiH;
- brine o političkom i organizacionom jačanju inetersno-političkih oblika organizovanja;
- predlaže odboru KO/RO/OBD imenovanje izbornog štaba;
- obavlja i druge poslove koje mu povjeri odbor KO/RO/OBD iz svoje nadležnosti.

Član 126.

Sjednice Predsjedništva KO/RO/OBD se održavaju, u pravilu jednom mjesečno.

Na sjednice Predsjedništva po potrebi se pozivaju i učestvuju u radu, bez prava odlučivanja, gradonačelnici/ce, načelnici/ce gradova i općina sa područja kantona, regije, odnosno Brčko distrikta BiH, predsjednici/ce interesno-političkih oblika orgnaizovanja, te članovi/ice organa SDP BiH i zastupnici/ce u entitetskom parlamentu i Parlamentarnoj skupštini BiH, koji su izabrani iz izbornih jedinica sa područja kantona, regije odnosno Brčko distrikta BiH.

Predsjednik/ca KO/RO/OBD

Član 127.

Predsjednika/cu KO/RO/OBD bira Konferencija KO/RO/OBD tajnim glasanjem između više kandidata/kinja, koji su istakli svoje kandidature u skladu sa odredbama Statuta i odlukama organa SDP BiH.

Član 128.

Mandat predsjednika/ce KO/RO/OBD traje četiri godine, a predsjednik/ca može, prije isteka mandata, podnijeti ostavku.

Odredbe ovog Statuta koje se odnose na opoziv, izglasavanje nepovjerenja, način postupanja u slučaju prestanka mandata predsjednika/ce SDP BiH prije isteka perioda na koji je izabran, shodno se primjenjuju i na prijevremeni prestanak mandata predsjednika/ce KO/RO/OBD, osim ako odredbama Statuta nije drugačije propisano.

Član 129.

Za vrijeme odsutnosti ili privremene spriječenosti predsjednika/ce KO/RO/OBD zamjenjuje potpredsjednik/ca kojeg ovlasti predsjednik/ca KO/RO/OBD.

Ako predsjednik/ca KO/RO/OBD podnese ostavku, bude opozvan ili mu bude izglasano nepovjerenje u roku od 90 dana od posljednjeg dana mandata predsjednika/ca održat će se Konferencija KO/RO/OBD na kojoj će biti izabran predsjednik/ca.

U slučaju iz predhodnog stava ovog člana, odbor KO/RO/OBD će imenovati vršioca/teljicu dužnosti sa ovlaštenjem predsjednika/ce.

Član 130.

Predsjednik/ca saziva, predsjedava i vodi sjednice odbora KO/RO/OBD i predsjedništva, stara se o provođenju programa rada, osigurava jedinstvo djelovanja svih organa i organizacija SDP BiH na području kantona, regije, odnosno Brčko distrikta BiH, ostvaruje uvid i brine se o radu i aktivnostima organizacije i provođenju odluka i zaključaka organa KO/RO/OBD, ostvaruje komunikaciju sa predsjednicima/cama općinskih i gradskih, odnosno osnovnih organizacija i interesno-političkih oblika organizovanja.

Predsjednik/ca KO/RO/OBD predstavlja i zastupa KO/RO/OBD, a u slučaju njegove spriječenosti ili odsutnosti, potpredsjednik/ca, kojeg odredi predsjednik/ca KO/RO/OBD.

Sekretar KO/RO/OBD

Član 131.

Sekretara/ku KO/RO/OBD bira odbor KO/RO/OBD iz reda izabranih članova, na period od četiri godine. Mandat sekretara/ke može prestati prije isteka vremena na koji je izabran.

Na postupak izbora i trajanje mandata primjenjuju se odredbe ovog Statuta koje se odnose na generalnog/u sekretara/ku SDP BiH.

Član 132.

Sekretar/ka KO/RO/OBD:

- pomaže predsjedniku/ci KO/RO/OBD u pripremi i sazivanju sjednica i organizaciji rada organa KO/RO/OBD;
- stara se o izvršavanju odluka konferencije KO/RO/OBD, odbora KO/RO/OBD, predsjedništva i nadzornog odbora KO/RO/OBD;
- stara se o političkom i organizacionom jačanju i osposobljavanju organizacija i interesno-političkih oblika organizovanja;
- usklađuje rad općinskih i gradskih, odnosno osnovnih organizacija;

- prema potrebi, saziva koordinaciju sekretara/ki općinskih i gradskih organizacija;
 - stara se o obezbjeđenju materijalnih, finansijskih i tehničkih uslova za djelovanje KO/RO/OBD;
 - stara se o čuvanju materijalno-tehničkih sredstava kojim raspolaže KO/RO/OBD;
 - obavlja i druge poslove u skladu sa Statutom i odlukama organa KO/RO/OBD.
- Sekretar za svoj rad odgovara predsjedništvu i odboru KO/RO/OBD.

Nadzorni odbor KO/RO/OBD

Član 133.

Nadzorni odbor KO/RO/OBD ima pet (5) članova/ica, koje bira i razrješava konferencija KO/RO/OBD.

Na rad nadzornog odbora, shodno se primjenjuju odredbe ovog Statuta koje se odnose na rad Nadzornog odbora SDP BiH.

OPĆINSKA I GRADSKA ORGANIZACIJA SDP BiH

Organizovanje i organi općinske i gradske organizacije SDP BiH

Član 134.

Općinska, odnosno gradska organizacija SDP BiH je osnovni oblik povezivanja i organiziranja članova/ica SDP BiH na području jedinice lokalne samouprave sa statusom općine ili grada. Članovi/ice SDP BiH povezani u općinsku, odnosno gradsku organizaciju SDP BiH, organiziraju se i djeluju u osnovnim organizacijama SDP BiH i interesno-političkim oblicima organizovanja SDP BiH, osnovanim na području te organizacije u skladu sa Statutom.

Područje djelovanja općinske, odnosno gradske organizacije SDP BiH odgovara u pravilu administrativno - teritorijalnom području općine, odnosno grada.

Iznimno, tamo gdje nije organizirana općinska, odnosno gradska organizacija SDP BiH, članovi SDP BiH aktivnosti ostvaruju u najbližoj općinskoj, odnosno gradskoj organizaciji SDP BiH.

Općinska, odnosno gradska organizacija SDP BiH, u skladu s Programom i Statutom SDP BiH, djeluje samostalno na svom području, vodeći računa o uspješnoj realizaciji programa i politike SDP BiH na nivou svog političkog djelovanja, ali i ostvarivanju Programa i politike SDP BiH u cjelini.

Odluku o osnivanju općinske, odnosno gradske organizacije SDP BiH donosi Glavni odbor SDP BiH, na prijedlog predsjedništva kantonalne odnosno regionalne organizacije SDP BiH ili Predsjedništva SDP BiH.

Općinska, odnosno gradska organizacija SDP BiH nema svojstvo pravnog lica i djeluje na osnovu ovlaštenja u skladu sa Statutom SDP BiH.

Član 135.

Organi općinske, odnosno gradske organizacije SDP BiH su:

- Konferencija,
- Općinski, odnosno gradski odbor,
- Predsjedništvo,
- Nadzorni odbor
- Predsjednik/ca.

Član 136.

Predsjednika/cu općinske odnosno gradske organizacije SDP BiH bira konferencija općinske, odnosno gradske organizacije SDP BiH tajnim glasanjem između više kandidata/kinja, koji su istakli svoje kandidature u skladu sa odredbama ovog Statuta i odlukama organa SDP BiH.

Mandat predsjednika/ce općinske, odnosno gradske organizacije SDP BiH traje četiri godine.

Predsjednik/ca općinske, odnosno gradske organizacije SDP BiH i članovi organa općinske, odnosno gradske organizacije SDP BiH, mogu biti samo članovi SDP BiH, koji imaju prebivalište na području djelovanja općinske, odnosno gradske organizacije SDP BiH.

Član 137.

Predsjednika/cu općinske, odnosno gradske organizacije SDP BiH bira konferencija općinske odnosno gradske organizacije u skladu sa odredbama Statuta.

Član 138.

Predsjednik/ca općinske, odnosno gradske organizacije SDP BiH može prije isteka mandata podnijeti ostavku. Ako predsjednik/ca općinske, odnosno gradske organizacije SDP BiH podnese ostavku, u roku od 90 dana od posljednjeg dana mandata predsjednika/ce održat će se konferencija općinske, odnosno gradske organizacije SDP BiH na kojoj će biti izabran novi predsjednik/ca.

U slučaju iz prethodnog stava ovog člana, općinski, odnosno gradski odbor SDP BiH će imenovati vršioca/teljicu dužnosti sa ovlaštenjem Predsjednika.

Član 139.

U slučaju izglasavanja nepovjerenja predsjedniku/ci općinske, odnosno gradske organizacije SDP BiH u roku od 90 dana od posljednjeg dana mandata predsjednika održat će se konferencija općinske, odnosno gradske organizacije SDP BiH na kojoj će biti izabran novi predsjednik/ca.

U slučaju iz prethodnog stava ovog člana, općinski odnosno gradski odbor SDP BiH će imenovati vršioca/teljicu dužnosti sa ovlaštenjem predsjednika/ce.

Član 140.

Odredbe ovog Statuta koje se odnose na način postupanja u slučaju prestanka mandata Predsjednika/ce SDP BiH prije isteka perioda na koji je izabran, shodno se primjenjuju i na prijevremeni prestanak mandata predsjednika/ce općinske, odnosno gradske organizacije SDP BiH, ako odredbama ovog Statuta nije drugačije određeno.

Član 141.

Za vrijeme odsutnosti ili privremene spriječenosti predsjednika/ce općinske, odnosno gradske organizacije SDP BiH zamjenjuje potpredsjednik/ca, kojeg ovlasti predsjednik/ca općinske, odnosno gradske organizacije SDP BiH.

Konferencija općinske i gradske organizacije SDP BiH

Član 142.

Konferencija općinske, odnosno gradske organizacije SDP BiH se organizira na predstavničkom principu ako organizacija broji više od 200 članova/ica. U protivnom, svi članovi/ce SDP BiH sa područja općinske, odnosno gradske organizacije SDP BiH, čine konferenciju.

Konferencija općinske, odnosno gradske organizacije SDP BiH može biti izborna i izvještajna. Konferenciju saziva predsjednik/ca općinske, odnosno gradske organizacije SDP BiH:

- na osnovu odluke odbora općinske, odnosno gradske organizacije SDP BiH;
- na zahtjev najmanje 1/3 članova članova/ica odbora općinske, odnosno gradske organizacije SDP BiH ili
- na zahtjev najmanje 1/3 osnovnih organizacija sa područja općinske, odnosno gradske organizacije SDP BiH, te na dnevni red stavlja pitanja koja su podnositelji zahtjeva tražili.

Izuzetno, predsjednik/ca općinske, odnosno gradske organizacije SDP BiH dužan je sazvati konferenciju na zahtjev Predsjedništva SDP BiH, odbora kantonalne odnosno regionalne organizacije SDP BiH ili Statutarnog odbora SDP BiH.

Ukoliko predsjednik/ca općinske, odnosno gradske organizacije SDP BiH u roku od 20 dana ne postupi prema zahtjevu iz prethodnog stava, konferenciju mogu sazvati predlagači iz prethodnog stava, koji tada pripremaju konferenciju i dogovaraju rukovođenje njenim radom.

Član 143.

Izborna konferencija općinske, odnosno gradske organizacije SDP BiH se održava, u pravilu, svake četiri godine.

Konferenciju saziva predsjednik/ca općinske, odnosno gradske organizacije SDP BiH na osnovu odluke odbora općinske, odnosno gradske organizacije SDP BiH.

Odluka iz prethodnog stava sadrži pravila o izboru i broju delegata, prijedlog dnevnog reda, te teme i izvještaje za Konferenciju.

Član 144.

Izvještajna konferencija općinske odnosno gradske organizacije SDP BiH održava se poslije održanih lokalnih, odnosno općih izbora.

Član 145.

Općinski, odnosno gradski odbor SDP BiH utvrđuje broj i sastav delegata konferencije na osnovu prijedloga kandidata/kinja koje daju osnovne organizacije SDP BiH, vodeći računa o nacionalnoj, spolnoj, socijalnoj i starosnoj strukturi, kao i zastupljenosti osnovnih organizacija.

Član 146.

Konferencija općinske, odnosno gradske organizacije SDP BiH:

- donosi program rada općinske, odnosno gradske organizacije;
- bira i razrješava općinski, odnosno gradski odbor i nadzorni odbor općinske, odnosno gradske SDP BiH;
- odlučuje o izvještaju o radu predsjednika/ce i organa općinske, odnosno gradske organizacije SDP BiH;
- donosi poslovnik o svom radu;
- raspravlja i odlučuje o izvještaju o radu općinskog, odnosno gradskog odbora SDP BiH koji podnosi predsjednik općinske, odnosno gradske organizacije;
- odlučuje o izvještaju o radu nadzornog odbora;
- u slučaju potrebe odlučuje o povjerenju izabranim članovima/icama u organima općinske, odnosno gradske organizacije SDP BiH;

- odlučuje o inicijativi za opoziv predsjednika/ce općinske, odnosno gradske organizacije SDP BiH;
- zauzima političke stavove iz nadležnosti grada, odnosno općine i donosi odgovarajuće odluke i zaključke.

Općinski i Gradski odbor SDP BiH

Član 147.

Općinski, odnosno gradski odbor općinske, odnosno gradske organizacije čine:

- izabrani članovi/ice;
- članovi/ice po funkciji;
- kooptirani članovi/ice po odluci općinskog, odnosno gradskog odbora SDP BiH;
- članovi/ice po odluci o povećanju broja članova općinskog/gradskog odbora SDP BiH.

Konferencija tajnim glasanjem bira općinski, odnosno gradski odbor, vodeći računa o nacionalnoj, spolnoj, socijalnoj i starosnoj strukturi, kao i zastupljenosti osnovnih organizacija.

Broj članova/ica općinskog, odnosno gradskog odbora utvrđuje se odlukom o organizovanju općinske, odnosno gradske organizacije SDP BiH i odlukom o sazivanju konferencije. Članovi/ice općinskog, odnosno gradskog odbora po funkciji su predsjednici osnovnih organizacija i predsjednici interesno-političkih oblika organizovanja.

Na sjednice se mogu pozivati da učestvuju u radu, bez prava odlučivanja, ukoliko nisu članovi općinskog, odnosno gradskog odbora: rukovodstvo kantonalne, odnosno regionalne organizacije, premijer/ka i ministri/ice u vladi kantona sa područja općine, odnosno grada, vijećnici/ce, odnosno odbornici/ce u općini, odnosno gradu, članovi/ice Glavnog odbora, članovi/ice SDP BiH koji obavljaju dužnost člana Predsjedništva BiH, predsjednika/ce i potpredsjednika/ce Federacije Bosne i Hercegovine, predsjednika/ce i potpredsjednika/ce Republike Srpske, zastupnici/ce u Parlamentarnoj skupštini Bosne i Hercegovine, Parlamentu Federacije BiH, Narodnoj skupštini Republike Srpske i Vijeću naroda Republike Srpske, članovi/ice Vijeća ministara Bosne i Hercegovine, članovi/ice Vlade Federacije Bosne i Hercegovine i članovi/ice Vlade Republike Srpske koji žive na području općinske, odnosno gradske organizacije.

Član 148.

Općinski, odnosno gradski odbor:

- rukovodi i upravlja organizacijom između dvije Konferencije i sastaje se u pravilu najmanje jednom u dva mjeseca;
- provodi Program i Statut SDP BiH i odluke viših organa SDP BiH i razmatra i provodi rezultate provedenih anketa i referenduma;

- Bira i razrješava Predsjedništvo, potpredsjednike/ce i sekretara/ku općinske, odnosno gradske organizacije;
- donosi godišnji plan rada i razmatra izvještaj o realizaciji;
- organizira i provodi izborne aktivnosti na području općine, odnosno grada i vrši analizu ostvarenih rezultata;
- prikuplja samokandidature članova/ica i prijedloge kandidata/kinja iz osnovnih organizacija i interesno-političkih oblika organizovanja i organa općinske, odnosno gradske organizacije SDP BiH i tajnim glasanjem utvrđuje liste kandidata/kinja za organe SDP BiH i zastupnike/ce SDP BiH u Parlamentarnoj skupštini Bosne i Hercegovine, Parlamentu Federacije Bosne i Hercegovine, Narodnoj skupštini Republike Srpske i Vijeću naroda Republike Srpske, kantonalnoj skupštini, te za organe izvršne vlasti na kantonalnom, entitetskom i državnom nivou i dostavlja ih nadležnim višim organima SDP BiH na daljnje odlučivanje;
- utvrđuje kandidate/kinje SDP BiH za organe predstavničke i izvršne vlasti jedinica lokalne samouprave, tajnim glasanjem između više kandidata/kinja koji su se samokandidovali ili su evidentirani i predloženi od osnovnih organizacija i interesno-političkih oblika organizovanja i organa općinske, odnosno gradske organizacije SDP BiH, u skladu sa članom 59. Statuta i izbornim zakonodavstvom Bosne i Hercegovine;
- zauzima političke stavove o pitanjima iz svoje nadležnosti;
- donosi odluku o organiziranju općinske, odnosno gradske organizacije SDP BiH;
- razmatra godišnji izvještaj o radu interesno-političkih oblika djelovanja, te promovira i podstiče njihov rad;
- donosi poslovnik o svome radu;
- donosi odluku o brisanju iz evidencije članstva i isključenju;
- najmanje jednom godišnje razmatra rad članova/ica općinskog, odnosno gradskog vijeća, odnosno skupštine općine koji su članovi/ice SDP BiH i predstavnika/ca SDP BiH u lokalnoj administraciji i organima koje bira skupština, te o tome zauzima stavove i donosi odluke;
- razmatra i određuje se prema stavovima, prijedlozima i inicijativama koje dolaze iz savjeta, osnovnih organizacija i interesno-političkih oblika organizovanja, na prvoj sjednici po dobijanju stavova, prijedloga i inicijativa;
- najmanje jednom godišnje analizira rad osnovnih organizacija sa svog područja;
- donosi odluku o kooptiranju ili proširenju novim članovima/icama u skladu sa odredbama ovog Statuta.
- razmatra rezultate ankete.

Član 149.

Predsjednik općinske, odnosno gradske organizacije SDP BiH saziva konstituirajuću sjednicu općinskog, odnosno gradskog odbora u roku od 30 dana od dana održavanja Konferencije.

Član 150.

U cilju osiguranja jedinstvenog djelovanja SDP BiH, općinski, odnosno gradski odbor je dužan da svoje političke stavove i zaključke temeljiti na Programu i Statutu i stavovima Glavnog odbora SDP BiH. Općinski, odnosno gradski odbori SDP BiH obavezni su da provode stavove, odluke i zaključke kantonalnog i regionalnog odbora, a osnovne organizacije Odbora Organizacije Brčko distrikta BiH koji se odnose na politička, ekonomska, socijalna i druga pitanja na nivou kantona, regije odnosno Brčko distrikta BiH, odnosno koja su u nadležnosti kantona, regije odnosno Brčko distrikta BiH.

U slučaju da općinski, odnosno gradski odbor smatra da se stavovima, odlukama i zaključcima kantonalnog, odnosno regionalnog organa SDP BiH narušavaju prava građana iz domena lokalne samouprave, može pokrenuti postupak ocjene statutarnosti donesenih odluka kod Statutarnog odbora SDP BiH.

Član 151.

Općinski, odnosno gradski odbor radi u sjednicama, koje mogu biti redovne i hitne, a po potrebi se mogu održavati svečane i komemorativne, što se reguliše poslovníkom.

Član 152.

Sjednice općinskog, odnosno gradskog odbora SDP BiH održavaju se u pravilu najmanje jednom u dva mjeseca. Sjednice saziva predsjednik/ca, a u slučaju njegove spriječenosti jedan od potpredsjednika/ca, kojeg ovlasti predsjednik/ca.

Na zahtjev predsjedništva općinske, odnosno gradske SDP BiH ili 1/3 članova/ica općinskog, odnosno gradskog odbora, predsjednik/ca je dužan sazvati hitnu sjednicu općinskog, odnosno gradskog odbora i na dnevni red staviti pitanja koja su podnositelji/ce zahtjeva tražili.

Ukoliko predsjednik/ca ne sazove sjednicu u roku od 20 dana, sjednicu saziva ovlaštenu predstavnik/ca podnositelja/ica zahtjeva, koji predlaže dnevni red i predsjedava sjednicom.

Član 153.

Općinski, odnosno gradski odbor SDP BiH punovažno odlučuje ako sjednici prisustvuje većina od ukupnog broja članova/ica odbora, a odluke donosi natpolovičnom većinom prisutnih članova/ica, izuzev odluka za koje je ovim Statutom utvrđeno drugačije.

Član 154.

Ukoliko član/ica općinskog, odnosno gradskog odbora neopravdano ne bude prisutan tri puta uzastopno na sjednicama, odbor može oduzeti, dvotrećinskom većinom prisutnih, mandat navedenom članu/ici.

Predsjedništvo općinske i gradske organizacije SDP BiH

Član 155.

Predsjedništvo općinske, odnosno gradske organizacije čine članovi/ice koje bira općinski, odnosno gradski odbor na svojoj konstituirajućoj sjednici i članovi/ice po funkciji. Članovi/ice po funkciji su načelnik/ca, odnosno gradonačelnik/ca i predsjednik/ca kluba vijećnika/ca odnosno odbornika/ca u općinama ili gradovima. Predsjedništvo općinske, odnosno gradske organizacije kojeg čine predsjednik/ca, potpredsjednici/ce, sekretar/ka i dva ili više članova/ica koje bira općinski, odnosno gradski odbor, rukovodi radom općinske, odnosno gradske organizacije između dvije sjednice odbora općinske, odnosno gradske organizacije. Broj članova predsjedništva općinske, odnosno gradske organizacije SDP BiH određuje se odlukom o organizovanju općinske, odnosno gradske organizacije SDP BiH.

Kooptiranje i povećanje broja članova predsjedništva općinske odnosno gradske organizacije SDP BiH vršit će se u skladu sa odgovarajućim odredbama ovog Statuta, koje se odnose na Predsjedništvo SDP BiH. Kod izbora potpredsjednika/ca, sekretara/ke i članova/ica predsjedništva, općinski, odnosno gradski odbor je dužan, gdje god je to moguće, voditi računa o nacionalnoj, dobnoj i spolnoj strukturi, a u skladu sa ovim Statutom.

Predsjednik/ca, potpredsjednici/ce i sekretar/ka općinske, odnosno gradske organizacije SDP BiH mogu u isto vrijeme biti predsjednici/ce, potpredsjednici/ce ili sekretari/ke organizacija ili interesno-političkih oblika organizovanja SDP BiH na bilo kojem nivou organizovanja.

Predsjedništvom organizacije SDP BiH rukovodi i predsjedava predsjednik/ca općinske, odnosno gradske organizacije SDP BiH.

Član 156.

Predsjedništvo općinske, odnosno gradske organizacije SDP BiH:

- sastaje se najmanje jednom mjesečno;
- raspravlja o aktuelnim pitanjima i problemima općine ili grada te predlaže općinskom, odnosno gradskom odboru utvrđivanje političkih ocjena i političkih stavova;
- podstiče stranačko i interesno organizovanje članova i obezbjeđuje uslove za njihovo djelovanje;
- koordinira rad osnovnih organizacija i interesnih oblika organizovanja na području općine, odnosno grada;

- donosi političke stavove u skladu sa Programom SDP BiH za jedinicu lokalne samouprave između dvije sjednice općinskog, odnosno gradskog odbora;
- organizira i provodi kampanju na području općine, odnosno grada;
- obavlja i druge poslove koje mu povjeri općinski, odnosno gradski odbor iz svoje nadležnosti.

Član 157.

Predsjednik/ca općinske, odnosno gradske organizacije SDP BiH ujedno je i predsjednik/ca općinskog, odnosno gradskog odbora SDP BiH. Predsjednik/ca saziva i vodi sjednice općinskog, odnosno gradskog odbora SDP BiH i predsjedništva i brine se o provođenju odluka, te u skladu s ovlaštenjima, predstavlja općinsku, odnosno gradsku organizaciju.

Predsjednik/ca je dužan najmanje jednom godišnje općinskom, odnosno gradskom odboru SDP BiH i članstvu podnijeti izvještaj o svom radu.

Predsjednik/ca predstavlja i zastupa općinsku, odnosno gradsku organizaciju, a u slučaju njegove spriječenosti ili odsutnosti, potpredsjednik/ca, kojeg ovlasti predsjednik/ca općinske, odnosno gradske organizacije.

Član 158.

U općini ili gradu u kojem ne postoji organizacija SDP BiH, kantonalni, odnosno regionalni odbor dužan je imenovati povjerenika/cu kome je osnovno pravo i obaveza stvaranje uslova za osnivanje organizacije SDP BiH.

Povjerenik/ca ima prava i dužnosti organa općinske, odnosno gradske organizacije SDP BiH.

U organizaciji SDP BiH koja ima manje od 30 članova/ica SDP BiH, u pravilu se ne osniva općinski, odnosno gradski odbor, već svi članovi, osim članova nadzornog odbora organizacije, čine općinski, odnosno gradski odbor SDP BiH.

Ukoliko se broj članova/ica SDP BiH, nakon konstituirajuće sjednice, poveća iznad 30, ranije konstituisani općinski, odnosno gradski odbor vrši funkciju do održavanja Izborne konferencije.

Član 159.

Sekretar/ka općinske, odnosno gradske organizacije SDP BiH se stara o provođenju odluka i zaključaka općinskog, odnosno gradskog odbora SDP BiH, predsjednika/ce i predsjedništva, pomaže predsjedniku/ci, potpredsjednicima/cama, osnovnim organizacijama i interesno-političkim oblicima organizovanja u pripremi sjednica organa i organizovanju njihovog akcionog i političkog djelovanja, ostvaruje redovnu komunikaciju sa članstvom SDP BiH i prati ostvarivanje njihovih prava i obaveza, organizuje vođenje administrativno-finansijskih poslova i o svom radu izvještava predsjedništvo i općinski, odnosno gradski odbor SDP BiH.

Nadzorni odbor općinske i gradske organizacije SDP BiH

Član 160.

Nadzorni odbor općinske odnosno gradske organizacije ima najmanje tri (3) člana/ice, o čemu posebnu odluku donosi općinska, odnosno gradska konferencija SDP BiH. Na rad nadzornog odbora shodno se primjenjuju odredbe ovog Statuta koje reguliraju rad Nadzornog odbora SDP BiH.

Predsjednik/ca Nadzornog odbora redovno se poziva na sjednice općinskog, odnosno gradskog odbora SDP BiH.

Član 161.

Odredbe ovog Statuta koje regulišu pitanja organizacije i funkcionisanja gradskih organizacija zbog specifičnosti organizovanja ne odnose se na Grad Sarajevo.

Glavni odbor SDP BiH svojom odlukom utvrđuje način konstituisanja, nadležnosti, odgovornosti i funkcionisanja Gradske organizacije SDP BiH Grada Sarajeva.

Do donošenja odluke iz prethodnog stave, KO SDP BiH Sarajevo ima ulogu i Gradskog odbora Grada Sarajeva.

Osnovne organizacije

Član 162.

Osnovna organizacija SDP BiH je oblik organizovanja članova/ica SDP BiH u okviru općinske, odnosno gradske organizacije, koja obuhvata područje jedne mjesne zajednice čije su granice utvrđene statutom jedinice lokalne samouprave. Ona se osniva ako na mjesnom području, na kome će politički djelovati, ima najmanje 10 članova/ica SDP BiH.

U okviru jedne mjesne zajednice, zavisno od broja članova/ica i veličine osnovne organizacije, može se organizovati više osnovnih organizacija što se reguliše odlukom općinskog, odnosno gradskog odbora.

Zavisno od broja članova/ica za prostor više mjesnih zajednica može se osnovati jedna osnovna organizacija SDP BiH, što se reguliše odlukom općinskog, odnosno gradskog odbora.

Pravila koja se odnose na osnovne organizacije SDP BiH se primjenjuju i na osnovne organizacije u Organizaciji Brčko distrikta BiH, s tim da nadležnosti organa općinske, odnosno gradske organizacije preuzimaju organi Organizacije Brčko distrikta BiH.

Član 163.

Osnovna organizacija SDP BiH koja djeluje na mjesnom području u skladu sa odlukom općinskog, odnosno gradskog odbora, bira predsjednika/cu i blagajnika/cu, a po potrebi i predsjedništvo osnovne organizacije od tri do sedam članova/ica, koji su odgovorni općinskom, odnosno gradskom odboru, odnosno predsjedništvu općinske, odnosno gradske organizacije.

Ukoliko predsjedništvo općinske, odnosno gradske organizacije SDP BiH utvrdi da nije moguće organizovati izbore u osnovnoj organizaciji SDP BiH, može imenovati povjerenika/cu za tu organizaciju.

Osnovna organizacija SDP BiH učestvuje u svim raspravama o ključnim političkim pitanjima Bosne i Hercegovine, kao i o svim ključnim pitanjima SDP BiH, formuliše pitanja, prijedloge i inicijative koji se mogu uputiti svim organima SDP BiH, uključujući i Kongres, evidentira i ističe kandidate/kinje za sve funkcije u SDP BiH, kao i za funkcije u predstavničkim i izvršnim organima i razmatra izvještaje i programe rada općinske, odnosno gradske organizacije SDP BiH. U radu osnovne organizacije učestvuju članovi/ice SDP BiH, koji imaju prebivalište na području djelovanja osnovne organizacije SDP BiH.

Redovni sastanci osnovne organizacije SDP BiH održavaju se najmanje jednom u dva mjeseca. Sastanke osnovne organizacije SDP BiH saziva i njima predsjedava predsjednik/ca osnovne organizacije SDP BiH. Stručno-tehničku pomoć u organiziranju i radu osnovne organizacije SDP BiH pruža predsjedništvo i sekretar/ka općinske, odnosno gradske organizacije SDP BiH.

INTERESNO-POLITIČKI OBLICI ORGANIZOVANJA U SDP BiH

Član 164.

Interesno-politički oblici organizovanja u SDP BiH su:

- Forum mladih SDP BiH;
- Forum žena SDP BiH;
- Forum sindikalnih aktivista SDP BiH i
- Forum seniora SDP BiH.

Forum mladih SDP BiH

Član 165.

U SDP BiH djeluje posebna organizacija mladih članova/ica i simpatizera/ki SDP BiH, do 35 godina starosti, pod nazivom Forum mladih SDP BiH, kao interesno-politički oblik organizovanja, o čijem uspostavljanju odluku donosi Glavni odbor SDP BiH.

Član 166.

Forum mladih SDP BiH odlukom o unutrašnjem organizovanju bliže uređuje način svoga organizovanja i djelovanja.

Član 167.

Forum mladih SDP BiH učestvuje u svim raspravama o ključnim političkim pitanjima Bosne i Hercegovine, kao i o svim ključnim pitanjima SDP BiH, formuliše pitanja, prijedloge i inicijative koji se mogu uputiti svim organima SDP BiH, uključujući i Kongres, evidentira i ističe kandidate/kinje za sve funkcije u SDP BiH, kao i za funkcije u predstavničkim i izvršnim organima.

Član 168.

Forum mladih SDP BiH dužan je najmanje jednom godišnje podnijeti izvještaj o radu Glavnom odboru SDP BiH. Organizacije Foruma mladih SDP BiH na nižim nivoima dužni su podnositi godišnje izvještaje odgovarajućem odboru.

Član 169.

Forum mladih SDP BiH dužan je poštovati Program i Statut SDP BiH i odluke organa SDP BiH.

Forum žena SDP BiH

Član 170.

U SDP BiH djeluje posebna organizacija žena – članica i simpatizerki SDP BiH, pod nazivom Forum žena SDP BiH, kao interesno-politički oblik organizovanja.

Glavni odbor SDP BiH donosi odluku o uspostavljanju Foruma žena SDP BiH.

Forum žena SDP BiH odlukom o unutrašnjem organizovanju bliže uređuje način svoga organizovanja i djelovanja.

Član 171.

Forum žena SDP BiH učestvuje u svim raspravama o ključnim političkim pitanjima Bosne i Hercegovine, kao i o svim ključnim pitanjima SDP BiH, formuliše pitanja, prijedloge i inicijative koji se mogu uputiti svim organima SDP BiH, uključujući i Kongres, evidentira i ističe kandidate/kinje za sve funkcije u SDP BiH, kao i za funkcije u predstavničkim i izvršnim organima.

Član 172.

Forum žena SDP BiH dužan je najmanje jednom godišnje podnijeti izvještaj o radu Glavnom odboru SDP BiH. Organizacije Foruma žena SDP BiH na nižim nivoima dužni su podnositi godišnje izvještaje odgovarajućem odboru.

Član 173.

Forum žena SDP BiH dužan je poštovati Program i Statut SDP BiH i odluke organa SDP BiH.

Forum sindikalnih aktivista SDP BiH

Član 174.

U SDP BiH djeluje posebna organizacija sindikalnih aktivista – članova/ica i simpatizera/ki SDP BiH, pod nazivom Forum sindikalnih aktivista SDP BiH, kao interesno-politički oblik organizovanja, o čijem uspostavljanju odluku donosi Glavni odbor SDP BiH.

Član 175.

Forum sindikalnih aktivista SDP BiH odlukom o unutrašnjem organizovanju bliže uređuje način svog organizovanja i djelovanja.

Član 176.

Forum sindikalnih aktivista SDP BiH učestvuje u svim raspravama o ključnim političkim pitanjima Bosne i Hercegovine, kao i o svim ključnim pitanjima SDP BiH, formuliše pitanja, prijedloge i inicijative koji se mogu uputiti svim organima SDP BiH, uključujući i Kongres, evidentira i ističe kandidate/kinje za sve funkcije u SDP BiH, kao i za funkcije u predstavničkim i izvršnim organima.

Član 177.

Forum sindikalnih aktivista SDP BiH dužan je najmanje jednom godišnje podnijeti izvještaj o radu Glavnom odboru SDP BiH. Organizacije Foruma sindikalnih aktivista SDP BiH na nižim nivoima dužni su podnositi godišnje izvještaje odgovarajućem odboru.

Član 178.

Forum sindikalnih aktivista SDP BiH dužan je poštovati Program i Statut SDP BiH i odluke organa SDP BiH.

Forum seniora SDP BiH

Član 179.

U SDP BiH djeluje posebna organizacija lica starije dobi i penzionera/ki, više od 60 godina starosti, Forum seniora, kao interesno-politički oblik organizovanja, o čijem uspostavljanju odluku donosi Glavni odbor SDP BiH.

Član 180.

Forum seniora SDP BiH odlukom o unutrašnjem organizovanju bliže uređuje način svog organizovanja i djelovanja.

Član 181.

Forum seniora SDP BiH učestvuje u svim raspravama o ključnim političkim pitanjima Bosne i Hercegovine, kao i o svim ključnim pitanjima SDP BiH, formuliše pitanja, prijedloge i inicijative koji se mogu uputiti svim organima SDP BiH, uključujući i Kongres, evidentira i ističe kandidate/kinje za sve funkcije u SDP BiH, kao i za funkcije u predstavničkim i izvršnim organima.

Član 182.

Forum seniora SDP BiH dužan je najmanje jednom godišnje podnijeti izvještaj o radu Glavnom odboru SDP BiH. Organizacije Foruma seniora SDP BiH na nižim nivoima dužni su podnositi godišnje izvještaje odgovarajućem odboru.

Član 183.

Forum seniora SDP BiH dužan je poštovati Program i Statut SDP BiH i odluke organa SDP BiH.

SAVJETI GLAVNOG ODBORA I RADNA TIJELA

Savjeti Glavnog odbora SDP BiH

Član 184.

Savjeti SDP BiH su stručna savjetodavna tijela Glavnog odbora SDP BiH i drugih organa SDP BiH, a osnivaju se za pojedina područja javnih politika koja su posebno važna za političku djelatnost SDP BiH.

Član 185.

Glavni odbor SDP BiH svojom odlukom formira i imenuje svoje savjete u skladu sa potrebama SDP BiH, te regulira njihov broj i način rada.

Predsjednik/ca i članovi/ice savjeta biraju se među istaknutim stručnjacima/kinjama SDP BiH za pojedine javne politike ili stručnjacima/kinjama koji nisu članovi/ice političkih stranaka, a prihvataju socijaldemokratske vrijednosti i osnovna programska načela SDP BiH.

Mandat savjeta traje koliko traje mandat Glavnog odbora SDP BiH koji ga je formirao.

Predsjednika/icu savjeta bira Glavni odbor SDP BiH na prijedlog Predsjedništva SDP BiH.

Radna tijela Predsjedništva SDP BiH

Član 186.

Predsjedništvo SDP BiH odlukom može formirati svoja radna tijela - komisije za praćenje implementacije javnih politika iz određenih oblasti, praćenje određenih pitanja, praćenje rada zakonodavnih i izvršnih organa u BiH, za rad na unutarpartijskim pitanjima, sugerisanje stavova i obilježavanja važnih datuma i događaja i svih drugih potreba Predsjedništva SDP BiH.

Član 187.

Predsjedništvo SDP BiH svojom odlukom formira i imenuje svoja radna tijela, te regulira njihov sastav, broj i način rada.

Član 188.

Kantonalne, regionalne, općinske, gradske i Organizacija Brčko Distrikta BiH mogu osnivati svoja radna tijela - komisije, kao tijela pripadajućeg nivoa organizovanja.

Odluku o osnivanju, sastavu, sadržaju i načinu njihovog rada donose organi odgovarajuće organizacije SDP BiH, u skladu sa nadležnostima odgovarajućeg nivoa organizovanja SDP BiH.

KANDIDOVANJE I UČEŠĆE SDP BiH U VLASTI

Kandidovanje

Član 189.

Kandidate/kinje SDP BiH za zakonodavne i izvršne organe vlasti utvrđuju odbori na odgovarajućem nivou organiziranja SDP BiH, u skladu sa Pravilnikom o načinu predlaganja kandidata, kojeg donosi Glavni odbor SDP BiH i kriterijima utvrđenim u članu 61. ovog Statuta.

Član 190.

SDP BiH, kao Partija koja se zalaže za prava nacionalnih manjina, će imati kandidate/kinje za predstavnike/ce nacionalnih manjina, tamo gdje je to moguće.

Član 191.

Članovi/ice SDP BiH u zakonodavnim i izvršnim organima vlasti iniciraju aktivnosti, zauzimaju stavove koje su u funkciji provođenja politika SDP BiH i djeluju u skladu sa programskim opredjeljenjima SDP BiH. Nosioци/teljice javnih funkcija u ime SDP BiH, dužni su izgrađivati i čuvati vlastiti javni i politički integritet, kao i ugled SDP BiH.

Član 192.

Članovima/icama SDP BiH koji ostvaruju dodatne prihode po osnovu vršenja zastupničkih i drugih funkcija, uvećava se članarina u skladu sa odlukom Glavnog odbora SDP BiH.

Član 193.

Zastupnici/ice i nosioci/teljice izvršne vlasti dužni su izvještavati organe SDP BiH, članove/ice partije iz svojih izbornih jedinica kao i građane/ke, te provoditi politiku organa SDP BiH na odgovarajućim nivoima.

Klubovi zastupnika/ca i vijećnika/ca odnosno odbornika/ca SDP BiH

Član 194.

Zastupnici/ce SDP BiH formiraju klub zastupnika/ca SDP BiH(u daljnjem tekstu: Klub zastupnika/ca) radi usklađivanja svog djelovanja, zauzimanja stavova i vođenja parlamentarne akcije.

Nezavisni/samostalni zastupnici/ce u zakonodavnom tijelu mogu po sopstvenoj želji biti članovi Kluba zastupnika/ca SDP BiH, o čemu Klub zastupnika/ca SDP BiH donosi posebnu odluku.

Član 195.

Predsjedništvo organizacije SDP BiH u konsultaciji sa članovima Kluba zastupnika, bira predsjednika/cu i zamjenika/cu predsjednika/ce Kluba zastupnika/ca iz reda zastupnika/ca članova/ica SDP BiH.

Predsjednik/ca rukovodi radom Kluba zastupnika/ca i dužan je redovno izvještavati organe odgovarajuće organizacije SDP BiH o radu Kluba zastupnika/ca.

Organ iz prethodnog stava je dužan razmotriti sva pitanja koja pred njega iznese Klub zastupnika/ca.

Član 196.

Klub zastupnika/ca donosi poslovnik o svom radu, a klubovi zastupnika/ca dužni su podnijeti izvještaj o svome radu kada odgovarajući odbor istog nivoa teritorijalne organizacije od njih to zatraži, a obavezno jednom godišnje.

Član 197.

Klubovi zastupnika/ca i sami zastupnici/ce su dužni postupati u skladu sa odlukama organa SDP BiH o svakom pitanju za koje nadležni organ donese stav. Ukoliko nadležni organ ne donese stav o pojedinom pitanju, Klub zastupnika/ca zauzima stav po tom pitanju, a svi zastupnici/ce su dužni poštovati stav Kluba.

Ukoliko niti jedan od organa, niti Klub zastupnika/ca, nisu zauzeli stav po određenom pitanju, zastupnici/ce su obavezni poštovati Program SDP BiH.

Član 198.

U radu Kluba zastupnika/ca učestvuju nosioci/teljice izvršne vlasti u ime SDP BiH i predstavnici/ce interesno-političkih oblika organizovanja, kada se raspravlja o pitanjima koja

se tiču njihovih nadležnosti, a po potrebi i predstavnici/ce organa SDP BiH. U cilju provođenja programskih i političkih inicijativa, organi SDP BiH, odnosno nosioci/teljice izvršne vlasti u ime SDP BiH, mogu inicirati sastanak Kluba zastupnika/ca.

Član 199.

Kandidati/kinje koji prihvataju kandidaturu za zastupnika/cu u zakonodavnim tijelima, bilo kojeg nivoa, dužni su potpisati obavezujuću izjavu ili ugovor o političkom djelovanju u zakonodavnoj vlasti na programskim opredjeljenjima SDP BiH.

Sadržaj izjave ili ugovora utvrđuje Predsjedništvo SDP BiH. Ako zastupnik/ca u zakonodavnom tijelu krši Program, Statut i odluke organa ili u toku mandata promijeni stranku ili pređe u nezavisne poslanike/ce ili vijećnike/ce odnosno odbornike/ce, odgovarajući odbor ga isključuje iz SDP BiH i traži da podnese ostavku na zastupničku dužnost, te da ispuni sve svoje finansijske obaveze prema SDP BiH preuzete izjavom ili ugovorom.

Član 200.

Odredbe ovog poglavlja shodno se primjenjuju i na organiziranje i rad klubova vijećnika/ca odnosno odbornika/ca SDP BiH u jedinicama lokalne samouprave.

Član 201.

Predsjedništvo SDP BiH koordinira rad klubova zastupnika/ca na državnom i entitetskom nivou, kao i rad nosilaca/teljica funkcija u izvršnoj i zakonodavnoj vlasti, održavanjem sjednica, uz učešće predsjednika/ca kluba zastupnika/ca i nosilaca/teljica funkcija u izvršnoj i zakonodavnoj vlasti.

Predsjedništvo kantonalne, regionalne, gradske i općinske organizacije koordinira rad kluba zastupnika/ca, odnosno kluba vijećnika/ca, održavanjem sjednica, uz učešće predsjednika/ce kluba zastupnika/ca SDP BiH, odnosno kluba vijećnika/ca SDP BiH, nosilaca/teljica funkcija u zakonodavnoj i izvršnoj vlasti i predsjednika/ca gradskih, općinskih, odnosno osnovnih organizacija SDP BiH, u cilju ostvarivanja politike SDP BiH i pokretanja inicijativa.

IMOVINA, STICANJE, KORIŠTENJE I RASPOLAGANJE SREDSTVIMA SDP BIH

Finansijska politika SDP BiH

Član 202.

Imovinu SDP BiH čine nekretnine i pokretne stvari, sredstva na računima, kao i prava kojih je titular SDP BiH ili neki od njegovih prethodnika. Vlasnička ovlaštenja na nekretninama ima samo SDP BiH.

Član 203.

Finansijska politika SDP BiH se zasniva na sljedećim načelima:

- finansijska politika je sastavni dio ukupne politike SDP BiH;
- svrha finansijske politike SDP BiH je da osigura materijalnu osnovu partijskih akcija i političku suverenost SDP BiH, kako u odnosu na pojedince i grupe, tako i u odnosu na državu;
- niko nema pravo, ni pojedinac, ni organ, da obavlja takve finansijske transakcije koje bi ugrozile nezavisnost SDP BiH ili je dovele u poziciju pružanja političkih koncesija;
- u SDP BiH se ne mogu kupovati funkcije i položaj, svi su članovi ravnopravni, neovisno o njihovoj privatnoj materijalnoj moći i pod istim uvjetima su im dostupne sve funkcije u SDP BiH.

Zloupotreba imovine se smatra težom povredom Statuta i Programa SDP BiH.

Finansijska politika SDP BiH mora biti transparentna.

Reviziju poslovanja SDP BiH jednom godišnje vrši vanjska revizorska kuća. Revizorski izvještaj se dostavlja Glavnom odboru SDP BiH na razmatranje, te na uvid svim kantonalnim, regionalnim i općinskim i gradskim odborima SDP BiH.

Član 204.

SDP BiH stiće sredstva od članarine, dobrovoljnih priloga, donacija, poklona, zavještanja, budžeta političko-teritorijalnih jedinica, prihoda od imovine i vlastite privredne djelatnosti, učešća u sufinansiranju zajedničkih projekata, kao i iz drugih izvora u skladu sa zakonom.

Finansijsko poslovanje SDP BiH

Član 205.

Na osnovu prijedloga Predsjedništva SDP BiH, Glavni odbor SDP BiH odlukom utvrđuje kriterije i način sticanja, raspolaganja, upravljanja, korištenja i raspodjele materijalnih sredstava u SDP BiH na svim nivoima organizovanja SDP BiH i svim oblicima organizovanja, sa ciljem da se obezbijede materijalna sredstva za osnovno funkcioniranje općinskih i gradskih organizacija.

Glavni odbor, odlukom iz prethodnog stava može utvrditi da se finansijsko poslovanje vrši preko jednog računa u cilju efikasnijeg ostvarivanja aktivnosti.

Istom odlukom GOSDP BIH će utvrditi finansijska sredstva za realizaciju programskih političkih opredjeljenja SDP BIH na implementaciji rodne ravnopravnosti i jačanju učešća žena u političkim procesima, a na osnovu plana aktivnosti FOŽ SDP BIH.

Predsjedništvo SDP BiH, u dogovoru sa organizacijama SDP BiH, svakih šest mjeseci provodi unutar SDP BiH finansijsko izravnavanje, u cilju razvijanja partijskog rada i finansijske pomoći organizacijama kojima je to potrebno.

Član 206.

Visinu članarine, način prikupljanja i raspodjele tih sredstava, utvrđuje i uređuje Glavni odbor SDP BiH na prijedlog Predsjedništva SDP BiH.

Ako član duže od šest mjeseci ne plati neizmirenu dospjelu članarinu, općinska, odnosno gradska organizacija SDP BiH dužna je dostaviti pisanu opomenu da to učini u roku od 30 dana, uz upozorenje da neplaćanjem članarine gubi sva prava, čije je ostvarivanje odredbama ovog Statuta, uslovljeno redovnim plaćanjem članarine.

Član 207.

Dobrovoljne priloge poklone i zavještanja, SDP BiH prihvata ako se time neće kompromitirati. Za davanje izjava o prihvatu nadležno je rukovodstvo organizacije u kojoj je poklon, dobrovoljni prilog ili zavještanje učinjeno, a ako se radi o nekretninama, Glavni odbor SDP BiH. Dobrovoljni prilozi i donatorstva se evidentiraju posebno.

OBRAZOVNA, NAUČNA, INFORMATIVNA, IZDAVAČKA I HUMANITARNA DJELATNOST

Član 208.

Glavni odbor SDP BiH je nosilac zakonskih prava i obaveza izdavača, te donosi odluku o naučno-istraživačkoj djelatnosti organizacija u SDP BiH. Odluke o osnivanju javnog glasila i izdavačkoj djelatnosti SDP BiH, te o drugim oblicima informativne djelatnosti, donosi Glavni odbor SDP BiH.

Organizacije SDP BiH, prema potrebama, u skladu sa zakonom, formiraju humanitarne organizacije, a uz saglasnost Glavnog odbora SDP BiH.

Član 209.

Za potrebe političkog obrazovanja članstva SDP BiH, formirat će se Centar za političko obrazovanje, o čemu će odluku donijeti Glavni odbor SDP BiH.

PRESTANAK DJELOVANJA SDP BIH

Član 210.

SDP BiH može prestati djelovati odlukom Kongresa SDP BiH, za koju je potrebno dvije trećine glasova ukupnog broja delegata Kongresa SDP BiH, uz prethodnu suglasnost najmanje dvije trećine općinskih, odnosno gradskih organizacija SDP BiH.

Odlukom o prestanku rada, Kongres SDP BiH će odlučiti o imovini SDP BiH.

RAVNOPRAVNOST SPOLOVA

Član 211.

Kvota o zastupljenosti manje zastupljenog spola se primjenjuju na sve nivoe organizovanja SDP BiH.

PRELAZNE I ZAVRŠNE ODREDBE

Član 212.

Izmjena i dopuna Statuta SDP BiH vrši se na način i po postupku propisanom za njegovo donošenje.

Član 213.

Organi SDP BiH, kao i sve teritorijalne organizacije SDP BiH i njihovi organi, dužni su uskladiti svoja akta sa odredbama ovog Statuta u roku od 90 dana od dana stupanja na snagu ovog Statuta.

Član 214.

Izbor članova Statutarnog odbora SDP BiH u prvom mandatu, izvršit će Glavni odbor SDP BiH statutarnom odlukom, najkasnije u roku od 90 dana od dana stupanja na snagu ovog Statuta.

Član 215.

Nedostajući broj članova Glavnog odbora SDP BiH, u odnosu na broj koji je utvrđen ovim Statutom, izabraće Glavni odbor SDP BiH statutarnom odlukom na svojoj konstituirajućoj sjednici, najkasnije u roku od 90 dana od dana stupanja na snagu ovog Statuta.

Član 216.

Statut SDP BiH stupa na snagu danom donošenja.

Broj: 02-02-109/25
Sarajevo, 27. august 2025. godine

Predsjednik Glavnog odbora SDP BiH
dr.sc. Ivan Boban, s.r.